



中復堂全集 十一

和 6
854
11



後湘續集序

百川之水皆東注海海胥受之若無百川焉何水氣也山
澤氣通川以成流流凝氣止與天而一如是海見故不見
百川今天下人才亦百川乎其高下淺深近遠清濁亦江
漢河淮源異視乎四者巨瀆其流雄貫天下才類四者難
何論海然則人才將窮於海邪是不然夫三代人才疇測
涯溪且衡自漢高祖初基人才勃溢蕭曹韓彭率川瀆耳
海其張留侯乎流極季世才駕中興吳魏之士智謀什百
率亦川瀆耳海其諸葛忠武乎亂休治復更唐宋明應運
之才載其一代雄者川瀆最雄者海代不乏人然論者意
不能一略別其最唐殆郭汾陽李鄴侯李衛公乎宋殆韓
魏公范文正李忠定乎明殆劉誠意于忠肅王文成乎此

其人皆進能安天下退不失一身動名之際蕭然若無與焉其閒稍次衛公奇冤忠肅是又颯颯剽發天水逆行元氣於以剝蝕觀海者何咎哉烏虜余默求天下六才久矣居恆感動慨惻厭棄鄉里走塵埃混販賈飢病窮山水險奧荒寂莫有所遇嘗太息曰余足跡將徧天下游處率當世豪士然僅得近古豪傑一人其惟桐城姚侯乎又嘗酒後大言曰吾不能希蹤鄴侯殆衛公執役乎若姚侯者殆文正文成流風乎聞者色變掩耳或面排誚今夫海之濱味苦鹹色黝雜潮汐所蕩泥垢穢汚斥鹵不可耕稼碯綴蚌螺蠣蛤形惡不供肴俎誠川瀆不若也然一氣無垠不可億道里夕月朝日涵澹在中龍蜃之嘘變幻樓閣大鰲長鯨潛颯怪鱷時時出沒明珠美貝碧韃赤珊瑚返魂之草不死之藥斐錯洲島飛仙神物空戲颺馳有神山三終古莫能跡其千丈之檣萬斛之粟帆往絕國畫風夜歸蠻女天豔賈胡雲來載石入市五都無識者川瀆斯何足論故英雄未遇紉於人備時會之來若天獨眷自漢以下宏濟艱難諸賢孰非可感動慨惻者哉姚侯少極貧讀書有齧粥之風及報官惠徧宗族戚友推於里鄙有義莊之澤卑令窮海義抗貪譎大僚黜不夷節其後十年受特知廉訪臺灣時事多虞鎮將驕闇推誠導勇執毅通權五載化其一軍有重鎮西夏與李文靖相驩之度是時蓋道光庚子辛丑壬寅閒西夷犯順東南城堡所向破殘將士子女玉帛殺掠無數

天子震怒再命宗親賜將軍印討賊皆無功臺灣不時受

窺伺初畏侯威泛舶游奕嗣再突犯經侯禽斬其酋及眾
數百破舟獲械益恨重賄匪民納前銳布內應增集大幫
期必雪恥侯復早覺捕戮無遺夷全師遁去累捷上聞
天子嘉悅賜爵褒諭寵踰親臣東南士民間之氣始壯然
侯未嘗煩勞內地一兵卒也豫事制機臨事策力撫亂民
爲義旅積人和周地利讓勲名以不居故三載強寇功速
而勢安又有南頓破宸濠之略烏虜使文正文成而在侯
其非二公所許乎侯今者卽以前功獲罪臺人如失父母
中外言者多咎大臣余觀文正文成生平遭構陷蕭然之
意遺外得失非第薄視勲名也古人含宏應運之雄惟侯
其知之矣侯少工詩詩多未遇前作服官以後壹意政事
篇什蓋少壬寅屬序星紀巳周悵侍檻車深觀譚論益信
與古爲徒之實非惟才大識精學博卽其詠歌偶寄忠愛
鬱然與象奔流注川瀆元氣渾淪際天海非才雄一世世
曷有是人哉然侯年益進功名益高而氣益斂下接待人
士自視倏然人莫能測其德量也余因捫科目頗類文饒
海氛跋扈駭甚藩鎮然會昌不遇一品難名營平泉而無
功避崖州而無罪哀吟向侯其不爲秋水河伯乎道光癸
卯九月建甯後學張際亮

此亨甫從余寓京師宣武門外松筠菴病中作也未再旬
而卒所論雖過非所敢當然以遺外得失薄視勲名相勉
粹然良友之言也而文特奇傑似杜樊川今以續集授梓
人而亨甫往矣不忍棄之故仍存此卷之首云爾己酉十
月展和記

後湘續集目錄

桐城姚 瑩展和甫

卷一

毘陵孔道也壬辰之冬孟瀆三河大工未已漕艘畢
 集又以臺灣有事豫陝官兵絡繹南下供應驕將悍
 卒曉夜扁舟與夫役奔走河干者三月雖寒熱之疾
 屢作風雪中竟亦無害作此示從役諸人 平山堂
 下有作寄馬元伯 朱梅一首寄方植之 題周蔭
 南卷子介存學博子也 丁酉六月十二日偕潘四
 農毛生甫游金山放舟焦山宿松寥閣賦柬二君并
 示從游諸子 高旻寺夜舟 金帶圍 道光乙未
 陳石士先生還京相見於丹徒舟中未逾年有歸道
 山之慟丁酉八月先生季子淮生過揚州以遺照屬

題 戊戌二月同伯印一兄學使謁十世祖德馨祠於西湖又謁十二世叔祖昭感伯祠於蕭山兩祠皆民思遺澤所建 嘉慶戊辰與李海帆宿理安寺後三十年與左石僑毛生甫再游寄海帆時提刑山東弱柳一首示吳獻之 酬吳寄山同獻之過仙霞

嶺有作 楓嶺杜鵑盛開 吳荷屋南嶽祭告圖

道光甲申瑩幕遊臺灣得一生玳瑁大徑五尺放之海中更十四年戊戌四月以備兵再至舟近鹿耳門數里白晝海面一物迎舟而來漸近則一徑丈大龜背負白鶴向舟昂首而立波浪不興海平如鏡舟中數十人咸訝之及舟而沒或曰是昔年玳瑁或曰非也臺灣當太平海神遣迎使舟耳非戴 聖主威

靈曷以有此哉悚然有賦 戊戌至臺灣或餽素心

蘭四盆殊繁妙明年再華猶盛中出一枝一花兩葉猶子以增謂是同心蘭余曰一華兩葉當爲異心何同邪明日又出一枝八瓣而同蒂兩葉合抱余曰此真同心矣嗟呼海外巖疆故稱多事其何以酬茲靈異乎 己亥五月十日病起登澄臺憶濟光內渡

卷二

奉逮內渡抵惠安縣 僑寓興化偕汪雅堂張竹虛德生家晴峯濟光遊烏石巖遇雨歸飲寓齋 寓舍海棠 蝶攢桂 雨次漁溪 旅店山丹屬客 坊口曉發 汪雅堂召同張竹虛德生戴桂山家晴峯登九仙山遊積翠寺時雅堂將之臺灣余當入都賦

別 題劉芭川孝廉家謀外丁卯橋詩集 至福州

喜晤楊笙友水部林梅友謝碩甫劉芭川三孝廉及

亨甫弟子余柏溪茂才小集寓舍諸君各有詩文見

贈既登舟諸君復置酒洪山橋餞送作長句酬別是

時亨甫方遊河洛 舟夜 守水口號 六月九日

至浦城驛 楓嶺一名大竿嶺關侯廟中老僧覺悟

乾隆二年死其身不壞僧徒及村眾塗以金而供奉

之嘉慶三年好事者為碑誌其事 廿八都 喜晤

家兄伯符時至吳門相候一月矣 重過山塘 鹿

春如召同張亨甫張竹虛陳梁叔陸次山家兄伯符

集白公祠下時方七夕 陸次山巴山聽雨圖 次

山仿元人關山行旅圖 高郵謁貞應祠 譚菊農

且泊圖 伯符自吳門買舟相送至王營與余先後

患瘧再旬閏七月十日余登車北行兄亦南歸 得

家書言幼子濟昌為余素食倩人禮佛祈保平安余

時不見已六年矣寄詩慰之 閏七月十二夜雨走

峒嶧驛和亨甫見贈原韻 宿龔家城 途中讀張

亨甫近詩漫題 獄中夜坐 出獄後九月十五日

偕薦青一兄遊西山龍泉寺歷香界寺寶珠洞諸勝

還宿龍泉 閔魔巖 萬壽寺古名慧聚相傳唐武

德七年建遼道宗清甯中重修明改今額石戒壇在

焉 岫雲寺 梅伯言馬湘帆湯海秋王少鶴四戶

部何子貞編修陳頌南蘇賡堂朱伯韓三侍御疊次

召余同亨甫為觴讌之樂九月二十六日復集蒹葭

閣蓋丙申年入都伯言湘帆置酒處也諸君各以詩
 文見贈余行有日輒成七律數章酬別 喜聞嶰筠
 舊帥入關東伯言湘帆 出獄後聞今年正月臺諫
 諸公先後上言爭臺灣事一時中外作詩著論者甚
 眾閨閣中亦多感詠近傳臺人復有輿論之刻自非
 盛朝寬大何能有此感成一律 贈朱伯韓侍御
 汪孟棠雲堂喚鐵圖 陳淮生金門宦隱圖 李
 生歌 女史沈湘佩為宗穆君畫牡丹紈扇 德州
 道中

卷三

喜讀文鍾甫戴蓉洲二生詩即題其集 與家緒周

景顏約遊浮山二月初十日夜宿石谿明至華嚴寺

微雨示寺僧 題馬元伯後出關圖庚寅歲所許今

始補之 葉松亭印譜 三月十五日赴蜀前二日

邀同馬元伯光律原家兄伯符弟緒周攜濬昌遊谷

林寺微雨遲方植之不至 過武昌作 四月四日

舟泊漢陽風雨涉江偕友人攜濬昌登黃鶴樓即事

舟過枝江縣登岸循行邨落閒風景閒曠男女意

甚恬適一家門首聯云安樂門庭春似海太平人物

壽如山非他處作常語也怡然久之為詩十二韻

修辭 西京 午日泊松滋渡 唐二宗 入峽

秭歸 西陵峽 峽中作示同行諸子 黃陵廟

四神詠 空船峽 舟中口號 所見 壯遊 望

巫山十二峯 涉險一首示同行諸君 兩歲 三

峽 便風入巫峽泊神女峯下明日仍乘風出峽

蜀中旅夜夢少穆舊帥還都言夷事縷縷覺而有感

潼川道中立秋 成都逢潘小江題其詩集 贈

陳息凡 鍾祥卜達庵 蘇鈞二明府 息凡見和奉贈

之作且送余西征依韻為別 再疊前韻 翼日達

庵亦有和詩二章三疊前韻酬之 邛州 十月六

日至名山縣穆遠峯大令 精阿 贈茶 渡平羌江至

雅州晤余小坡太守 榮經縣 小關山 題丞相

嶺廟壁 雪中口占 十月十二夜宿瀘定橋 瓦

斯溝 頭道水 出鑪城寄示濬昌 飛越嶺示汎

卒 出鑪關答送行諸君 自折多山至提茹道中

揭室中云智常無礙須彌小心自能亨蜀道平今晨

行火竹卡道中忽有所觸卒成一律 余行月餘矣

身歷邊外山川之險目觀夫馬長征之困慨然有感

作烏拉行 裏塘宣 諭胡土克圖不悟東旋感賦

卷四

先薑塢編修考陸放翁乙卯年七十一詩敘定放翁

生於宣和七年乙巳十月十七日瑩以乾隆乙巳年

十月初七日生道光乙巳二月五日展少陵先生及

放翁之祀於草堂有感 三月十七日再出打箭鑪

南關 折多山雪 高日寺 八角樓桃花一株

西行所見刺麻寺多矣僧既穢濁其誦經皆在喉間

初無音節鈕鼓喧振雜以鏡鈴使人厭聽 寓裏塘

僧樓卽景 與丁成之別駕寓裏塘小刺麻寺樓二
十餘日守督乍雅諾門汗西行室僅盈丈一窗如竇
兩人坐臥相對戶外晨夕炊烟作馬牛糞味散行無
處口占示別駕調之 代荅 四月十二日士司餽
牛肉一甌飲酒未半歐陶然徑醉夢中忽成一律

四月十四夜雪讀衛藏圖識 裏塘烏鴉大於肥鷄
聲如鴝鵒不巢樹而棲人樓屋上甚可憎惡西俗人
死置諸野聽鳥鳶啄食謂之天葬 頭塘曉起冒雪
登山 將至巴塘見松林口花樹二株一紅一白葉
似枇杷花皆一榦數朵每朵十數小花合抱狀如蠟
梅磬口檀心特紅白異耳詢其名曰達麻花爲長句
賞之 巴塘端午 皮船行 空子頂一蕃官子年

十二日爲沙彌數載甚聰俊其父愛之延僧於家教
習梵誦清朗可喜地多綠鸚鵡時飛鳴檻外若有知
者 莽嶺 南墩夜月 江卡道中 五月二十三
日乍雅曉發望雪山 乍雅西北昂刺山積雪甚厚
一望無際險峻異常人馬數蹶作雪山行 察木多
大呼圖克圖今已數輩相傳爲明建文轉劫俗說無
徵亦見當時天下憐建文久而不忘也 中秋望月
有感 秋寺 卽事 察木多西北博窩野蕃多出
良馬丁成之別駕購得其二余亦得一別駕故善騎
興張竹虛日乘試之竹虛偶墜傷面爲二絕調之
打箭鑪以西菜味甚難得有餽瓜蔬者如嘗異味察
木多漢人稍聚有園丁四戶日市菘韭蒿苣供饌喜

而賦詩 酌丁成之 察木多九日食葡萄懷家兄
伯符是日宣太守下兩呼圖克圖判牘 一簣障江
河用沒其身漢書何武等傳贊語也魏鶴山嘗手錄
之感爲五言 與竹虛夜話自臺灣入都假回桐城
至成都奉使西域中夏裏塘往返行經二萬八千里
矣患難相依壯懷未已不覺身之衰老也 贈漁童

自題康輜紀行卷後 成之和吳春颺韻見示頗
切歸思依韻奉荅 察木多少雁十月偶一聞之是
其本鄉非賓鴻也蓋雖關外而地在西南非塞北苦
寒者比故時已冬後無用入關也感而誌之 察木
多冬雪 撥火 少陵愁坐詩云葭萌氏種迥左擔
犬羊存終日憂奔走歸期未敢論戲反其意 東坡

云我家江水初發源官遊直送江入海余行反是更
爲一絕 棲鴉 曉日 歲暮雜詠 偶成 余與

丁成之資斧罄已三月貸於茶賈艱甚延望省批不
至成之有憂色詩以慰之 宜城酒有九醞者古人
謂之醞酒以爲佳釀今時久未聞矣蜀酒以大麴爲
上清酒也去西北高粱遠甚打箭鑪以西大麴亦不
可得蕃酒以青稞爲之甫釀微酸卽云成熟名之曰
沖酷嗜之多飲亦能醉人余久寓察木多令造酒者
三釀之稍可飲東坡云惡酒如惡人彼時惡人猶可
避耳若處今日尙能辨其佳惡哉戲紀以詩 蕃女
多無夫其父母不問聽自爲生與妓無異不知妝飾
衣鞞瑜櫛髮洗面而已察木多酒家數十皆以蕃女

當鑑謂之冲房冲讀如銃戍兵刺麻雜選歌飲其中
穢陋可憫女無少長皆曰鴉頭似漢人教之也 夜
坐 臘日有懷 寄酬方植之 酬光律原 酬馬
元伯兼壽其七十 冬初得家書言伯兄近歲頗衰
心常憂之以余比年多故兄之衰有由來矣祀竈日
卻寄 與成之別駕貸得西賈茶千金謝都閫見贈
博窩馬各一余復買蕃酒一瓶成行有日誌喜 察
木多歸次聞少穆舊帥以九卿 召還喜而有作
丙午正月四日白王卡至噶噶人日立春至昂地山
中所過連夜蕃男女數十聯臂踏歌求賞 將至中
渡麻格宗道中 還度飛越嶺大雪 二月十八日
行自化林坪以東沿途桃李盛開 還成都寓舍

卷五

蓬州 晚涼 秋日卽事 食橘 夢回 晚菘示
濬昌 送江雲章 聞達厚庵青海大捷 東坡過
巴東爲萊公遺蹟詩云江山養豪俊禮數困英雄執
版迎官長趨塵拜下風當年誰刺史應未識三公余
謂先生是時方少故作此語耳豈知雷州儋耳後來
同一感歎耶萊公雖云少學然不讎丁謂其胸中脫
灑何殊蘇公豪俊固有天授不可以尋常學問言耳
九日攜濬昌遊古佛洞還至慈雲閣 慈雲閣觀
芙蓉簞客 癸卯在臺灣就逮諸生有禱天后者得
讖云制虎降龍靜煉丹從今蹤躍出元關前途一片
風光好不到蓬萊只等閒疑或不死而至登州及來

蓬州乃知其應昔東坡出獄謫黃州四年至登州有
海市詩余往來渡海者六山今思之何殊海市郭坡
公至登州年始五十余今六十二矣然公六十二歲
尚有儻耳之譴余幸不已多乎 東坡先生易簪之
日徑山問疾叩耳大呼曰端明宜勿忘西方先生曰
西方不無但箇處著力不得余嘗疑公西方一語似
于此事尚未了然頃思先生自黃還過筠州子由三
人同夢之事乃知先生作本等語也更作一偈 雁

苑中芙蓉一樹高出檐花開百數十朵大者如盤
色紅而瓣多自中秋後終九月未已 送秋詩立冬

後一日作 活魚 紀事 州西郭二里許有小阜

叢竹翳茂在五馬山南下臨嘉陵江洲上四五家依

阜作咩阜上有慈雲閣乾隆中前知州周君天植仿
僧舍築室闢小菊圃鑿池構亭塹十三琴神亦自肖
像其中云菊琴神也時時往遊或信宿返復買田數
畝使僧守之歿後州人以其室爲仁廉祠奉君及前
後蒞州之有德者歲一往會丙午九月九日余觴客于此
距君七十年矣憶其時政平吏廉民物安阜訟盜稀
少官吏能自給且有餘力營此宴遊君殆吏而僊者
乎聊爲五言一章 觀物 戲贈 示左亦齋 蜀
故多盜比歲成都尤盛近益猖獗揚言劫大府入觀
輜重供張一路爲之愆期有檄諸軍合五屯進勦川
北郡邑截擒逃盜 世路 枕上作 占卜 長至
日過菜園作

卷六

花事 勝事 自嘲 舊去 紅花 題壁 櫻桃

立夏前五日作 曉起獨步園中有作 荅客

官舍 寒雨 望晴 野老 舊團扇畫 送葆叔

之涼州 午日偶然作 韓公 苦熱行六月十五

日作 次日得雨 顏魯公 桂 摘瓜 蓼花

苦憶 南粵 涼風 伍生順常送牡丹二盆 九

日憶左亦齋 重陽後四日吏目王君 送佳菊數

種 去歲芙蓉一本甚繁豔今來秋雨彌月竟不花

十月已半芙蓉忽作三花而瘦小掩映屋角 哭

汪孟慈 毛生甫詩冊 偶然作寄方植之 老妻

壽日卻寄 示迺龍院僧 酌客 荆棘 春日作

元旦龍神祠作 將至成都過興隆鎮旅舍主人

乞詩有贈 胡恕堂觀察少夢前身爲僧後入一寺

見塑相與已無異恍若有悟使人圖之席閒出示索

題 將乞病歸寄伯符及里中諸君 江樓獨酌

既得罷官至成都候咨文回籍索逋人嗷咻不已命

濬官盡粥官時服物償之 謝胡觀察贈舟資 別

陳息凡 張椒雲廉訪枉臨話別 戊申三月東歸

適玉環書院新成蓬州人士請畱住十日楊式如學

博吳淮樓孝廉伍謹齋秀才首唱諸君各有詩見送

輒成六絕奉酬 疊山先生號鐘琴拓本爲沈鶴樵

孝廉題 哭斌少司寇 遣僕 胡恕堂觀察過蓬

州是日蓬人爲余立位仁廉祠士庶喧闐走送觀察

嗟歎久之曰君可謂大用之而大效小用之而小效
矣感其言有作賦呈為別 四月二十一日至夔州
入峽借方兆青濬昌觀峽中奇勝東南風阻舟行頗
緩中流迴轉者再知神意之留人也為詩謝之 哭
伯山 歸州遇沈秋浦夜話 出黃牛峽將至宜昌
方植之寒巖獨往圖 五月二十六日曉晴舟入
樅陽口

卷七

馬小眉又白召同植之元伯聿原遊玉屏山莊翼日
聿原存之兄弟召同植之元伯魯岑遊邃園未逾月
聿原又有石莊觀荷之約將辭之元伯手書來云石
莊本避暑之地荷淨又納涼之時其勿辭也以詩柬

元伯及諸君 嘉慶乙丑元伯使人圖其象為小冊
同好諸君題詠甚眾越三十九年道光癸卯余暫過
里中許為作詩旋去蜀未果今又五載始歸元伯作
圖時年二十九今則七十二翁矣詩來索題計君嘗
東之靺鞨余亦西至喀木何意白首歸來猶得相從
遊詠欣成一律奉教 閒居一首呈光律原 慈雲
庵僧玉華余十數年間屢見之今來復問已久寂矣
戊申冬至日植翁作詠懷詩見示積陰連日詩到
放晴乃和其韻兼呈元伯律原 植翁再以詠懷詩
見示依韻荅之 歸家攜存蜀酒未盡植翁以小瓶
來索既許之復繫以詩 歸來 張耐翁楚江歸櫂
圖 己酉人日元伯以贈律原召飲詩見示輒和兼

呈植翁元伯律原時各有春酒之約 正月十日方
兆青召同植翁元伯芑士小石北園觀梅憶余乙酉
入都竹吾與金鶴臯大令及周伯恬諸君觴餞者三
十二人一時極讌飲之盛今罕存者竹吾沒亦十四
年矣植翁元伯各有詩追念竹吾愴成一律卽贈兆
青 元伯律原連日有詩見調未答適余小疾臥植
翁召飲不能赴兩君來候戲呈因柬植翁 郭外三
里許有田數畝曰小齊莊頗有隙地竹樹二十年前
愛之嘗有小築之意今自蜀中歸以償債家爲詩送
之 正月十九日道過木伯耐園硯峯律原小眉存
之小集中復嘗甚眾然伯有詩步其原韻屬諸君同
作 律原言 熹譽爲長句激之 感遇 三月二

日人龍眠 孔城晚歸口號 出遊 己酉三月赴李

石梧制軍之召至白下時李公已抱疾陳情有詩見
贈屬和輒成五言三律應教余亦將之揚州矣 僑
寓白下僧舍顧湘舟自蘇州以其賜硯堂所藏金石
圖譜來示且云家貯書十萬卷未入 四庫目錄者
二千可謂富矣詢知潘芸閣河帥刻乾坤正氣集將
成欣然有作 顧湘舟五十歲江淮閒名流女史壽
以詩畫者甚眾湘舟裝潢成冊來索余詩 程仲蘇
太守 家題 以其尊人鶴樵侍郎藥洲拜石乃石緣圖
請題余不見仲蘇三十六年矣藥洲九石八在粵東
學使署一在藩署侍郎以嘉慶庚午視學粵東道光
辛巳以粵藩攝學使九石前後得全見之故作二圖

後湘續集 目錄
俯仰今昔愴然有作 五月十三日避水四松庵贈
謙谷長老即題其南澗放參圖 管小異言癸卯五
月在濟甯汪孟慈聞余被逮大慟嘔血而余未知孟
慈嘗言以朋友為性命不其信哉君沒今三年矣小
異異之子也孟慈是其婦翁言當不妄嗟呼交道之
薄久矣如孟慈亨甫其猶古人之風哉 八月二十
日偕管小異訪湯雨生病愈留飲 不見黃樹齋十
四年矣宦轍不同而同見謫己酉十月君以入都過
白下梅伯言亦歸自京師樹齋約登鍾山陰寒不果
為五言一章 移寓博山園與謙谷長老共數晨夕
久之題其詩集 雷約軒 葆廉 秀才白馬磯訪僧圖
陳若木參軍為裕靖節幕賓靖節督師海上殉難

以所用硯贈陳使去蕭枚生為之刻銘若木拓本裝
小冊屬題 贈梅伯言 博山園微雪 酬湯雨生
會稽潘少白 諱自如臯來訪年七十五矣以哭姚
鏡塘失明愴然有贈

後湘續集目錄終

後湘續集卷之一

桐城姚 瑩展和甫

毘陵孔道也壬辰之冬孟瀆三河大工未已漕艘畢
集又以臺灣有事豫陝官兵絡繹南下供應驕將悍
卒曉夜扁舟與夫役奔走河干者三月雖寒熱之疾
屢作風雪中竟亦無害作此示從役諸人

羽書驛傳日縱橫撫字催科政未成三月扁舟風雪雨一
時徵役漕河兵官如逆旅還多病歲近知非亦自驚辛苦
閭閻人莫歎明年安穩事嘗嘒

平山堂下有作寄馬元伯

園亭颯沓凍雲收晴入新年艸漸柔一徑古松騰晝鼠四
山殘雪亂菴流閣梅待我猶朱蘂塞客還家應白頭終是

故鄉行樂地壺觴誰復共清游

朱梅一首寄方植之

滿眼朱梅遶檻檐東風吹影動廉纖心如老健年年減愁
侶春潮夜夜添姓氏青天傳士女功名白髮問魚鹽故人
尺素能相問官閣香浮一夢甜

題周蔭南卷子介存學博子也

周郎英妙步江東老去婆娑學舍中賴有神駒千里足爲
君驥首豁心胸

丁酉六月十二日偕潘四農毛生甫游金山放舟焦
山宿松寥閣賦東二君并示從遊諸子

蹙蹙飢溺志悠悠滄海心軒車未能棄勝境聊遐尋落日
照叢邱明霞滿江濤逸情緬高躅白髮窮青林地迴天宇
寒目極憂忽深眷言此幽惡慨彼拚飛禽

嫵媚雲間月皎好山中侶扁舟漾清波紺碧何宮宇探勝
旣陟巘投夜問江澗明滅沙中鐙慄慄寺鐘杵聞君有高
論湍閣且延伫

高樹臨大江危檻倚絕壁靈風迴萬籟哀響蕩心魄城市
闕夜囂披襟招古月澄懷澹杳杳眾星明歷歷上捩虎豹
關下轍蛟蚪窟吾生竟安窮天闕在咫尺
浩浩古天地邈然託我身往迹一何遠今夢忽若眞瞳靈
破瀕洞萬物各有垠羲皇迄殷周治亂嗟紛綸寸心經萬
代炊黍卽干菑金石忽焯爍詩書亦泯淪形色欣在茲至
道誰與陳

高旻寺夜舟

後洲雜錄 卷之一
北風響林樾宿雁蘆洲驚不見維揚郭黃灣且夜行禪關
梵唱罷澹月寒江清明發念之子疎鐘還一鳴

金帶圍

吳荷屋先生以湖南大中丞左遷福建方伯過揚
州瑩時權轉運使宴於桃粵庵庵中芍藥盛開中
一枝近千瓣腰閒一縷如黃線透瓣束之瓣瓣皆
然余曰此所謂金帶圍矣世常見者殆非也荷屋
先生以酒祝之乃記以詩

芍藥非萼王或亦王之亞豐繁而豔麗頗類王姬嫁其大
如巨盃層樓殆百架何須一縷香已值千金價海南有吳
公開府衡獄下再作南閩藩始稅北燕駕輕舸過揚州清
譙吾亦暇粵神夙有知蚤作靚裝返金帶始聞久真圍今

見乍雩門洛陽魏人是烏衣勝地足貴遊何必侈臺榭
絲竹非所欣風月聊可借賜祝名花餘與還卜夜

道光乙未陳石士先生還京相見於丹徒舟中未逾
年有歸道山之慟丁酉八月先生季子淮生過揚州
以遺照屬題

翛然遺貌動悽情三十年來感舊盟抗疏尙聞天下計論
文同盡雨中藥青編弟子刊應竟先生遺集屬梅伯言編
訂門人黃爽方謀刻之
白髮鹽官夢自驚邗上西湖兩明月不堪回首潤州城

戊戌二月同伯印一兄學使謁十世祖德馨祠於西
湖又謁十二世叔祖昭感伯祠於蕭山兩祠皆民思
遺澤所建

丹書次第出楓宸甌越東瀛共一春兄弟使車同歲發祖

孫祠廟隔江新小臣被澤容延世
海內原多鐘鼎族清風直節是家琛

聖代旌賢勵牧民

嘉慶戊辰與李海帆宿理安寺後三十年與左石僑

毛生甫再遊寄海帆時提刑山東

西湖樓殿錦雲張水面山容盡妙妝一入理安空色相四
圍峯立袞青蒼老僧牀足經三換高閣松聲聽未忘等是
卅年前過客濯纓何日向滄浪

弱柳一首示吳獻之

弱柳絲絲拂檻前向人旖旎欲拖煙紅襟夜曲虛三弄白
髮春風又一年儘有醉深同畫舸更無腸斷與冰絃朝來
問字知多少不負明珠顆顆圓

酬吳寄山同獻之過僊霞嶺有作

東風驛路草輕纖嶺色重重看未厭修竹翠深千磴底好
粲紅到萬山尖石橋倚樹雲常冒村酒衝寒雨欲添可惜
登臨是行役鄉心詩思兩難兼

楓嶺杜鵑盛開

峻嶺巖嵒萬壑旋紅英爛漫劇堪憐靚妝夜自悲山鬼幽
恨時聞咽澗泉祇合蜀禽尋舊夢若爲楚客弄新妍朝來
蘿薜還相問翠嶂雲深幾幾年

吳荷屋方伯南嶽祭告圖

虞帝寶籙在衡山雲氣蒼鬱生僊壇羣峯漫遮七十二芙蓉
紫蓋陰生寒神物至今慎守護千年不許風吹殘精誠
感通一開霽古來惟有昌黎韓吳公崛起自南海置身蚤
上青雲端湖湘嶽麓秉絳節赤日下照中心丹三苗蠢爾

後漢書卷之十一
偶犯順一麾戡定舞羽千功成南嶽虔告祭清齋穆穆神
人懽雲深霧重忽掃盡猶如大海風迴瀾祝融之峯最高
頂披襟萬里胸爲寬雷池風雪白晝靜神臺僊宇青空噴
嶽靈感昭今再見 聖朝瑞應何可殫請公大書南嶽
頌岫嶼片石吾能刊

道光甲申瑩幕遊臺灣得一生玳瑁大徑五尺放之
海中夏十四年戊戌四月以備兵再至舟近鹿耳門
數里白晝海面一物迎舟而來漸近則一徑丈大龜
背負白鶴向舟昂首而立波浪不興海平如鏡舟中
數十人咸訝之及舟而沒或曰是晉年玳瑁或曰非
也臺灣當太平海神遣迎使舟耳非戴 聖主威
靈曷以有此哉悚然有賦

盛代星符遠 天威動四瀛鯨鯢當戢靖龜鶴亦懽迎
地險人殊籍年豐俗苦兵一軍懸萬里誰共倚長城

戊戌至臺灣或餽素心蘭四盆殊繁妙明年再華猶
盛中出一枝一華兩藥猶子以增謂是同心蘭余曰
一華兩藥當爲異心何司耶明日又出一枝八瓣而
同蒂兩藥合袞余曰此真同心矣嗟呼海外巖疆故
稱多事其何以酬茲靈異乎

僊人贈我綠衣郎玉骨亭亭淺淡妝本自無心銜臭味儘
教苙蒂吐幽芳海天夜冷猶驚露官舍魂清只舊香老我
比來多勝事一枝金帶憶維揚

己亥五月十日病起登澄臺憶濟光內渡

高臺登眺廢經旬徙倚危欄白髮新海上風雲時變色天

後湘續集卷之一
邊雷雨憶歸人鯨鯢夜靜珠宮冷鏡鼓朝喧貝闕振南北
數亂民間祭賽多罷更喜嘉禾遍收穫不嫌布穀後三春
今爭補之喧闐千里

後湘續集卷之一終

後湘續集卷之二

桐城姚 瑩展和甫

奉逮內渡抵惠安縣

五年鮫窟橫戈厭十日鯨波挂席平忽見風吹青麥隴始
知海內又清明

主恩

九重宵旰未言勞幾省軍儲尙驛騷嚴譴猶承
澤馬聲人鬢兩蕭蕭

僑寓興化偕汪雅堂張竹虛德生家晴峯濟光遊烏

石巖遇雨歸飲寓齋

嶺南春欲盡天外客初還雲日猶依海風雷忽過山新苗
翻水白野卉近城殷不有親朋讌何知 聖代寬

寓舍海棠

海棠誰傍石榴栽
小院春殘我後來
不似朱門多富麗
自憐儉瘦背人開

蝶攢桂

興化一種木本如桂
三四月閒粵最繁
白英黃藥一枝十數
蒂帶葉而粵每蒂四
朵合一粵朵各四瓣
前二小後二大瓣皆
玉版儼然蝶也四朵
合裏黃藥如桂亦四
出而不香土人謂之
蝶攢桂寺僧多以供
佛他處無之粵之無
香者多矣似蟲形者
頗少咏以一絕補粵
譜所未備

嘉名攢桂晚春芳
玉版紛繁藥嫩黃
應爲前身是蜂蝶
自成蜜後更無香

雨次漁溪

籃輿行盡千重嶺
急雨驅雷幾度聞
山徑水明疑落瀑
郵煙樹合認歸雲
館逢舊識人三世
農喜春畊稻十分
自是休兵

旅店山丹屬客

一株紅豔燦庭闌
疑是榴粵帶雨看
行客乍休郵釀白
舉栢相屬破餘寒

坊口曉發

初日雲中鬪雨明
四山橫翠宿煙清
稻田幾處青松矗
蟋蟀羣蛙相和鳴
野水平田穿屈曲
荒邱老樹臥檉柯
盈盈相喚郵前女
白盡低棚瓠子粿

汪雅堂召同張竹虛德生戴桂山家晴峯登九僊山

遊積翠寺時雅堂將之臺灣余當入都賦別

西風欄檻雨霏霏城郭蒼茫山色微江帶灘流趨海靜鳥
尋邨樹破煙飛諸羅荔熟君方去投子鐘殘我未歸寄語
同袍羣將吏幾時譚笑解征衣
樓船橫海意如何蘭若登臨氣欲磨白水穿雲明鷺羽青
松當檻老鷹窠山空始覺心無定僧少微嫌梵亦多壁上
應真能作證優曇粲裏客經過

題劉芑川孝廉家謀外丁卯橋詩集

詩非關學富有一種君自珊珊僊骨來漫與題名說丁卯絕
塵夢得本天才

精魂千里夢猶真似爾論交見古人我亦張郎夢中客開
緘掩卷總傷神張亨甫與芑川告
有夢中相晤詩

身世艱難百感多劉琨何事擊壺歌故人西在陽關外白
髮秋風夜渡河芑川感懷詩有少穆
舊詩及臺灣之作

海雲高接陣雲屯不斬長蛟愧七鯤但使功成有衛霍失
期李廣敢銜冤芑川感懷詩對
誰知李廣冤

至福州喜晤楊笙友水部林梅友謝頤甫劉芑川三
孝廉及亨甫弟子余柏溪茂才小集寓舍諸君各有

詩文見贈既登舟諸君復置酒洪山橋餞送作長句
酬別是時亨甫方遊河洛

山橋昔日停舟時張郎載酒常相隨雨農怡亭兩詞伯為
我慄慄譚風詩此事於今十五載山晴山雨煙雲改爾翁
墳頭宿草青張郎漂泊猶江海相逢弟子如張郎少年意
氣輕侯王腹中墨跡淋漓溼半是新詩書法狂朗然劉謝

映玉筍正似盧王對楊炯可憐林逋益癯瘦梅萼鶴唳餘
孤影參旗半掩壁壘空黃鉞不動貫白虹將軍闔內修文
德妖氛條滅歸鴻濛是時有客來瀛東轆車如水人如龍
神僊不死頭亦白豁達那用嚙飄蓬朝起笑煞東王公海
水半沒蓬萊宮張郎西遊京洛窮歸來蚤種橋頭松

舟夜

四山寒雨客心孤艸樹昏蒙夜欲無明滅螢同星出沒風
前雲裏兩模糊

守水口號

雲沒高峯龍露角水流斷樹蟬回身朝來欲問前溪路山
鳥頻呼更恐人

六月九日至浦城驛

征驂一去七千里輦帶再褫三十年霜露飽經訝臣健炎
荒不死信天憐山邨酒熟尋常醉旅館風清半晌眠明日
僊霞關下吏相逢莫問烽煙

楓嶺一名大竿嶺關侯廟中老僧覺悟乾隆二年死
其身不壞僧徒及邨眾塗以金而供奉之嘉慶三年
好事者爲碑誌其事

此心無住亦無盡了不見心安有身待得身心兩無住白
雲封斷嶺頭人

廿八都

澹月疎星四五峯石谿橋倚兩三松籃輿未辨前山路邨
口微聞野寺鐘
隔嶺紅雲綠樹梢出邨烟霧半山坳金華此去無多路修

竹嬾娟好結茅

喜晤家兄伯符時至吳門相候一月矣

吳音乍覺到江東海客依然驛路中咫尺鄉園空目斷艱
難兄弟喜舟同一身尚詡堪霜雪三字無任罪功正憶
昨宵岑寂處遙天雨黑短檠紅

重過山塘

好是迎秋送暑天長槐疎柳亂鳴蟬行人忘卻湖堤路不
到山塘已十年

鹿春如召同張亨甫張竹虛陳梁叔陸次山家兄伯
符集白公祠下時方七夕

壯懷不減且婆娑山色湖光足嘯歌青眼故人還縱酒白
頭老將罷橫戈管賢地迴風流在午夜星飛客感多擊鼓
乍休簫管急銀燈畫初幾經過

陸次山巴山聽雨圖

弟兄師友感同生夜雨巴山共此情我恨囟囟方北去白
頭惟有淚縱橫

次山仿元人關山行李圖

誰從峻嶺挽雄關百曲千盤路險艱去去征輪憑寄語一
丸沉在莫悽顏

高郵謁貞應祠卽古露筋廟

征騶一駐謁僊祠淮水初高暑退時玉貌千年霏霧幕貞
靈午夜颭雲旗風前柳色連天暗露下荷香入坐遲三十
六湖明似鏡幾人對此媿娥眉

譚菊農且泊圖

西蜀東吳一芥舟茫茫世界等浮漚風波平處能知泊
儼人閒萬戶侯

伯符自吳門買舟相送至王營與先後患瘧再旬閏

七月初十日余登車北行兄亦南歸

海角天涯長怨別江南淮北暫同行對牀臥病逢秋雨翦
燭連宵話驛程失馬老翁空偃蹇觀碁殘局自分明來朝
解纜登車後依舊浮雲萬里情

得家書言幼子濬昌爲余素食倩人禮佛祈保平安
余時不見已六年矣寄詩慰之

五年海國烽煙靖六口江鄉骨肉輕作宦久同方外客讀
書時聽夢中聲 君恩不盡猶多負 詔獄初傳莫
漫驚憐汝十齡能素食倩人禮佛祝長生

閏七月十二夜雨走峒晤驛和亭甫見贈原韻

秋風夜雨淮中道白髮青衣海外臣幸見孤城存絕島敢
嚙長路困征輪故人應許鯤鵬化老我難期尺蠖伸山驛
邨沽聊共飲陶然不負百年身

宿龔家城

淮南已盡不見山平原莽莽黃入天秋霖泥淖馬腹陷沂
汶水闊行旅難遙天一抹見蒼翠秦嶽未到東蒙先單車
歷碌石犖角馬疲病蹶輪屢掀閉坐十日骨欲折徒行翻
覺身如倦山邨晚投日未落候吏設館授我餐到門忽訝
軒几淨來禽桂橘羅庭前蘭菊照眼競璀璨掩映松蘿相
幽鮮竹窗風清坐謾謾石蘭月出涼娟娟勞人得憩已足
樂對此能不欣開顏舉杯相屬還長歎今時多故天步艱

罷兵已蒙

北闕詔和戎未解東南患開封中牟及桃

北黃河三決墜頻年蘆竹伐盡金幣竭河伯任禱殊無憐
今秋山東聞有收稻梁菽麥充閭閻昨來剡城度阡陌飛
蝗撲面憎盤旋空田今幸免損害遺孽普豈無災愆民事
百憂勤 聖主臣工泄泄誰仔肩我輩况瘁是其分來
朝蚤發毋煩煎

途中讀張亨甫近詩漫題

斗牛夜氣千年劍李杜光芒萬首詩祇覺浩歌天地滿獨
窮遊屐海山奇一時竄跡悲身世幾處驚心聽鼓鼙我正
輜車君患病秋風相對柳如絲

獄中夜坐

棘垣重柝中秋夜恍惚三場射策時坐對一窗好明月不

知身在白雲司

出獄後九月十五日偕廌青一兄遊西山龍泉寺歷

香界寺寶珠洞諸勝還宿龍泉

蒼蒼松栢夾楓丹蘭若周巡杳靄閉香界山如獅象伏
神京地本虎龍蟠夕陽漸覺荒邨冷明月遙從古塞還且
喜登臨腰脚健一樽相屬駐哀顏

閱魔巖

在翠微山東

道與魔俱高道豎魔乃藏天女共羅刹一瞥已消亡世人
畏見魔斯道胡由臧至人無生死禍福奚足詳願將功德
水一洗五濁腸因魔道以成此德曷可忘

萬壽寺古名慧聚相傳唐武德七年建遼道宗清甯
中重修明改今額石戒壇在焉

石壇聳峻揭重宵武德清宵世代遙法界不隨香色壞梵
音時共日雲高月輪夜轉清松蓋客夢朝回黑海濤明渡
庠沱還駐馬聽鐘兩度宿僧寮

岫雲寺 朗潭柘古寺

四山楓樹抱琳宮秋老霜天著意紅蓮宇
鸞飛獅座寂經壇講罷鹿園空淒涼寶相前
朝帝舅崩豐碑內府工自是我 皇勤政久祇今 輦路草深蒙

梅伯言馬湘帆湯海秋王少鶴四農部何子貞編修
陳頌南蘇賡堂朱伯韓三侍御疊次召余同亨甫爲
觴讌之樂九月二十六日復集兼葭閣蓋丙申年入
都伯言湘帆置酒處也諸君各以詩文見贈余行有
日輒成七律數章酬別

城南朝雨艸霏霏高閣增寒眺夕暉勝地祇堪埋馬骨輕
塵何必沈人衣青山紅樹詩情壯白髮黃雩酒力微壁上
鮑吳題句在疎槐慘澹亂鴉啼

餘霞閣上曾同醉龍爪槐前再舉杯此日登臨欣健在半
生懷抱爲君開衰葭莽蒼天無際往迹銷沈恨不回明到
江南如寄問浮山嵐翠撲人來

江東儔侶半凋蕭日下耆賢久寂寥何意海禽方鍛羽又
逢秋鶚盡摩霄壯懷力振迴天地抗論神飛見賈鼂

聖主已聞容直諫封章頻數莫辭勞 頌南賡堂伯韓皆直
言見 納少鶴亦著

論

接迹紛紛閩粵才張郎巨筆獨天開豪情半向江山盡病
骨猶含今古哀不信斯人尚淪棄終應 聖世起蒿萊

轡車伴我三千里出獄臨歧首重回

詩嘗避舍惟亭甫天不餘才又海秋劍氣盤迴霜在匣冰

懷朗照月當樓但須於越尋吳耻不用新亭泣楚囚抵掌

聞鷄曾共寢別來惟獨著浮邱

清言易理稱平叔俊逸詩辭愛信陽把卷名賢空異代閉

門潛學又湖湘艱難獄底驚相問忼慷樽前意不忘他日

著書成絕業白頭千里獨堪商子貞初不相識見訪於獄中

夢魂何日忘樓船直北傳烽幸熄煙犴狴未周三五夜以

八月十三日入獄二金鷄已放九重天微勞豈意蒙

十五日蒙恩赦出恩詔絕島猶聞急贈錢臺灣人上聞余入獄醵金寄助帝德民情有

如此幾回搔首馬難前

相知新舊別如何擊筑當筵共放歌月地怒聞金石裂霜

天哀感雁鴻多分無寶劍酬燕士那更悲風渡塞駝班馬

蕭蕭從此去暮雲迢遞阻渾河

喜聞嶮嶺舊帥入關東伯言湘帆

絕域權聲報 賜環老臣昨夜入重關單車幾渡河中

玉毳帳初回雪裏山奇字書成傳北海英才網盡到南蠻

先生令子久典試廣東故人若見應相問後去蘇卿可共還

鍾山形勢尚龍從學舍當年共曉鐘日下才名猶弟子人

閒何地覓文翁石城豈易樓船集北固先聞鐵騎空三十

年來譚往事夕陽愁照荻花紅

出獄後聞今年正月臺諫諸公先後上言爭臺灣事

一時中外作詩著論者甚眾閨閣中亦多感詠近傳

臺人復有輿論之刻自非 盛朝寬大何能有此

感成一律

聖主如天宥直臣四方幽隱各紛陳微名詎遂傾中外

國是從來有屈信永夜憂當紓魯女女史沈湘佩有讀史詩故人書

尙問吳蕤朝來紫禁綸言下道路傳呼頌至仁

贈朱伯韓侍御

當年巨盜逼神京三輔同時正用兵已見滑臺人守死

更聞濬縣獨完城山翁戰績存輿頌伯韓尊甫嘉慶十八年守濬縣功在民間至今頌

令子陳言有直聲海上祇今烽罷警安危應不負平

生

汪孟棠雲堂喚鐵圖

江南鸞鳥今何許塞北相逢鬢已班惟有舊風能解意玉

人長駐畫中顏

神僊富貴漫言虛喚鐵曾尋隱士居階下年年撲鷓蝶笑

他雙挽鹿門車

陳淮生金門宦隱圖

文物風華二百年幾人解賦帝京篇牙籤玉軸存先業

流水如龍付幻煙郎署果堪容小隱故鄉何必問歸田婆

娑太乙舟前樹賓客譚詩憶舊筵尊甫碩士侍郎自名其書室曰太乙舟觴譚於此

此

李生歌

山東李生能鍊形引體曲臂時目瞑自言養生得真訣卻

病不須熊鳥經長安貴人爭受之閨中往往傾娉婷諸公

勸我老可少口傳手授煩丁寤我謝貴人且欲已壽天強

弱天所侗順時循理外榮辱能甘澹泊毋羶腥外身身存

後相續集

卷之二

十

後湘續集卷之三
古有訓不爲昏醉長自醒君不見單豹老更爲虎食稽康
晚亦無逃刑多年養生復何益安常守正神且聽

女史沈湘佩爲宗穆君畫牡丹紈扇

湘佩杭州人工詩尚氣節奇女子也穆君爲宗滌
樓少女從湘佩學詩滌樓以扇乞題余方出都倚
裝爲成一絕

莫問靈均絕妙辭一天湘水蕙蘭衰雪溪春色今如許南
國爭傳秀女詩

德州道中

川原南去莽悠悠景物淒其未解愁樹遠似城投倦馬天
長如水憶行舟斷垣殘雪寒縈草荒成斜陽白滿樓佐郡
假歸殊不惡得懽骨肉復何求 後湘續集卷之二終

後湘續集卷之三

桐城姚瑩展和甫

喜讀文鍾甫戴蓉洲二生詩卽題其集

桐子山前數艇橫劉郎宅下水煙清
昔風不盡存亡淚頭白歸來見兩生

與家緒周景顏約遊浮山二月初十夜宿石谿明日
至華巖寺微雨示寺僧

昨乘夜月訪禪關小住谿頭不見山
津本無迷仍待渡寶猶未得肯徒還
果成天竺誰能證二物寺中到辛夷色自殷
所見欲向空王尋法相古碑斷滅水潺湲

叢竹溪溪護寺垣高巖萬疊俯遙邨
綠蘿石上懸猿足紅樹枝頭靜鳥言
寶閣繙經飄白雨老僧瘞瘡湓湖青原寺爲宋遠

後湘續集

卷之三

錄和尚開山 洞山臨濟今無嗣一髮還尋何處門
青原派也

題馬元伯後出關圖庚寅歲所許今始補之

丈夫曾許國慷慨赴王程吏自持功罪身惟仰 聖明

黃雲天外水紫塞月中營兩度征車熟寒笳識舊聲

黑頭輕出塞白髮蚤還家悲喜從駒隙安危想兔耳及傾

寒食酒同看故園是日逢寒食不負平生約休爲蜀道嗟

葉松亭印譜

雲鳥蟲魚各異文鼠鬚繭紙自紛紛欲尋汗簡揮刀意石
篆驚奇晚見君

三月十五日赴蜀前二日邀同馬元伯光律原家兄

伯符弟緒周攜濬昌遊谷林寺微雨遲方植之不至

落盡楊鸞櫻筍肥尋僧有約一停驂溪山勝處如畱客野

水平時自息機人散寺門微雨歇日斜郭郭亂雲歸荆吳

蜀道還相望三峽猿聲淚獨揮

過武昌作

唐帝憂澤水商王苦焦旱天運會有屯物數戒盈滿聖人

謹百慮賢智蹶一算九夏豈不宏隆污奮乾斷迅使羣陰

開勿任士氣短養晦雖有時賢佞未可誕脂膏既云竭魑

魅益驕悍四方今蹙蹙征夫徒瘡瘡遐哉臯若伊近緬嶠

與侃

四月四日舟泊漢陽風雨涉江偕友人攜濬昌登黃

鶴樓卽事

楚天雲物莽悠悠不解征帆百斛愁到處親朋尋遠眺一

江風雨上危樓道人茗苦猶餘味勝地鸞空憶舊遊且喜

將軍能好武新成戰艦在中流

時楚省仿夷製新成戰艦

舟過枝江縣登岸循行邨落閒風景閒曠男女意甚

恬適一家門首聯云安樂門庭舊似海太平人物壽

如山非他處作常語也怡然久之為詩十二韻

凡民生在勤萬物有作息寡營惟一心農工各任力家無
凍餒人行歌意自得君子有遠猷安人以爲職盛暑不張
蓋寤寐猶反側心力雖異勞理亂同欣惻治國多壽民豈
必山澤匿堯舜皆百年吁咈常日昃陋巷飢溺志何異顏
與稷四海苟困窮山溪亦盜賊單豹老不衰徒爲豹虎食
寄言避世者分定庶無惑

修辭

古人貴修辭誠至言斯立道善義以周體物不相襲精微

造化理上下古今筴細析毫顛翳宏任百川吸剛柔洽吐
茹利鈍異張翕動中沛然至無感何歌泣鄙夫好爲名終
日事綴緝棄彼紫磨金高門乞殘汁文章本心聲希世絕
近習質重人則存浮雜豈容入鏤琢飾情貌當非賢所急

西京

漢家文物盛西京八座金貂各俊英郡國眞除多獄吏公
卿才望半儒生餐旣蘇子旄空盡請劍朱雲檻未旌終是
武皇能遠略匈奴竟世不稱兵

午日泊松滋渡

喧闐擊鼓耀朱旗又是龍舟競渡時客夢啼猿到巫峽江
城飛雨失松滋峯迴水遠帆頻落地狹天高月易虧風俗
至今爭弔屈楚宮依舊詠蛾眉

唐二宗

太宗神武絕天姿元廟威猶極四夷慕府東西開大漠樓
船十萬罷高麗朝容姦相何能覺亂視賢臣亦已遲累代
有人扶社稷艱難不似造邦時

入峽

幾年搔首鷄籠塞五月浮家灩澦堆地險身初行蜀道劫
過誰復問秦灰雲山有意神終渺江海無情客自哀白馬
黃牛俱寂寂輕舟如燕上天來

秭歸

昭君卹原宅
皆在歸州北

琵琶遠嫁靈均放詞客年年弔秭歸卹下女兒不解事娥
眉底事學明妃

西陵峽

山中高峯甚
多矗立百數

休言神女峯娟妙山到西陵熊瘦新羅立娉婷聳眉黛還
如小婢學夫人

峽中作示同行諸子

峽中竟日聞呼號百丈轟上輕猿猱巴人撓唱異吳楚千
夫百夫聲噉嘈往者初行向東粵快捷驚見舟師篙中上
闕灘益險異逢人輒自矜所遭操舟投老入三峽前此覽
歷皆兒曹崇潏雄駿氣象別吐吞萬狀洵賢豪大江西來
到東海穿貫百谷如溝濠峻灘四百有五十長峽千里迴
風濤荆門虎牙欲軒豁關鎖猶作上下牢乃知富媼有淺
意建瓴之水無滔滔平生倦遊晚見此帝憐困走聊償勞
夜來洗盞莫遽醉坐待月午天中高

黃陵廟

廟在宜昌府西北九十里黃牛山上相傳蜀漢諸葛忠武侯經此見石壁開現神像冠裳儼然前左引一旗旌右立一黃牛感神佐禹治水有功當廟食茲土乃重興焉日之曰黃牛廟云以黃牛爲黃陵者陵卽山也以黃牛廟名不雅馴故後人更之水經注云江水又東逕黃牛山下有灘名曰黃牛灘南岸重嶺疊起最外高崖間有石色如人負刀牽牛人黑牛黃成就分明既人跡所絕莫能究焉注言如是更無諸葛之說蓋後人因道元之注而附會之也今廟更建於府治北此其故址千五百年廟之復興數矣道光二十四年五月十四日攜幼子濬昌赴蜀舟經山下古廟巍然時舟行速不

及停謁濬昌方臥呼令望之舟已過矣爲詩紀事
鳴鉦打鼓上黃牛細雨輕寒入客舟稚子不知灘水惡爲
看古廟卻迴頭

四神詠

作前詩已舟行數里忽絳斷卻回仍止廟前迴頭
一言頃刻成讖豈非神召往觀乎時已晴霽乃肅
衣攜濬昌登廟展拜前殿爲夏王像神在後楹如
古道者而黃裳鬢髮鬚眉皆白頎然甚偉其右黃
牛伏焉前殿左側祀屈大夫亦古衣冠貌白皙而
愀然詢寺僧覓古碑記無有引至廟右則忠武侯
祠在焉庭中石幢鐫武侯所撰黃牛廟記蓋康熙
壬寅年官立者壁間又一石刻作隸體乃乾隆間

枝江令所書記文較詳王阮亭蜀道驛程記云黃
陵廟頗宏麗前祀黃陵之神後祀諸葛忠武侯與
今稍異阮亭以康熙壬子年入蜀在壬寅之後所
見當是壬寅新修今廟又後人所改建也前詩辭
意近慢乃夏爲四神詠

夏王初治水時復役百神一旦懷襄勢安流就伏馴是惟
文命德靈異非常倫所以帝王制首重皆明禮後世德不
修事神不務民史臣爲此懼紀載求其醜遂使平成績高
遠無復陳腐儒昧古義動以荒唐論豈知重黎前人神本
相親方今河再決宵旰憂水濱安得洪流順滔滔王路遵

右夏王

聖王德無閒百神皆爾主導江岷山來萬里澤海宇二百
八十水及此得所聚洪流出巴蜀何以遏斯怒窈窕千里
峽壁立自太古明月當其吞黃牛任其吐荆揚下流遠結
束此爲府遐哉神力異開鑿非斤斧明德日以遠維神當
日輔漢相溯神功立廟實茲土至今福行舟士庶及商賈
牲醴以時酬樂神爲歌舞愧我方行邁濟世了無補再拜
復內省生平安足數

右黃牛峽神

我筮官海外曾謁水僊祠上崇夏王德次覽屈子儀矧來
君故里精魂實在茲冠裳旣古意貌復多愁思顏色白以
皙或當未放時君筮爲九歌悅神多令辭湘君與山鬼薜
荔紛雲旗我今將悅君陳言恐君悲世無景與宋高文安
可追甌生未奇服眾已相驚疑故知好謠詠况乃真蛾眉

悠悠遂千載再拜涕霑頤

石屈大夫

豫州隆中言志在伸大義維侯實贊之蚤定入蜀議兩朝
開濟業未竟君臣事屯田欲持久行險不輕騎審度人我
情乃不負所寄天既厭漢德侯豈能強致義在當出師惟
有盡吾瘁要亦計萬全未嘗犯兵忌所以賊畏之甘爲巾
幘避伊呂雖曰賢興朝事則易人臣際屯艱當以侯爲識
大哉習生言能定天澤位

右諸葛忠武侯

空舸峽

在黃陵廟北五十里俗名黑崖子水經注湘水縣
有空舸峽驚浪雷奔溶洞三峽又云江水自建平

至東界峽盛弘之謂空舸峽甚高峻卽宜都建平
二郡界也按晉時建平郡卽今巫山縣今巫山縣
屬夔州府與宜昌府巴東縣接界距空舸峽二百
餘里據水經注是晉時秭歸巴東皆蜀地

灘流渺渺入空舸曉色侵山分外青忽見崖前風浪黑飛
雷走雨滿天鯉

舟中口號

奇峯峭靄接蒼旻千里如張萬疊屏安得齋前分一角朝
晴暮雨對空青

所見

石室舊猿穴長江作澗溝飛星檻下迴響瀑席閒流種芋
披雲葉開簾倩月鉤神僊在人世何必避秦游

壯遊

男兒骨相不封侯也合身經萬里遊
齷背東迎桑海日峨眉西飲雪山流
未知增減人千劫已分賢愚貉一邱
蜀道從來天下險杜鵑聲裏過行舟

望巫山十二峯

十二神峯縹緲奇髯翁莊論解瑤姬
爲雲爲雨皆靈澤敢作尋常諷諭辭

涉險一首示同行諸君

泰岱鴻毛命自天休驚人鮓囊頭船心
亨習坎孚重險口實觀頤涉大川百
豹猶能識忠信一關溪覺愧前賢行年
六十吾何負檢點平生幾幸全

兩歲

兩歲征塵遍六州又來梁益溯扁舟
策名豈必燕朝貴處世亦嘗人鬼謀
博望灘前殊漢使衛公樓上有邊愁
此身未死猶行列欲語雷同已自羞

三峽

行盡巴東峽裏程未聞青壁夜猿聲
應知客已無腸斷不忍舟前嘯月明

便風入巫峽泊神女峯下明日仍乘風出峽

神女峯前夜夢清
窮蓬嗚咽枕江聲
都將雲雨無窮意換作東風送客行

蜀中旅夜夢少穆舊帥還都言夷事縷縷覺而有感

力任時艱志事違三年謫戍未言歸
全家邊徼殊中外
鏡源棄官奉列論
朝端有是非
夢放金鷄權執手
風迴錦

谷川集 卷之三
水淚霑衣淒涼王相墳前樹拱把今來復幾圍城相國論公事

潼川道中立秋

三千鳥道行經半萬點雲山望未通小市鷄聲常夜雨衰
年驛路又秋風篋輿出沒懸崖畔稷稻縱橫響瀑中底事
成都誇沃野西來何處不盈豐

成都逢潘小江題其詩集

新歌舊唱總多愁白髮相逢又早秋等是滔滔一江水蜀
中嗚咽甚揚州

贈陳息凡鍾祥卜達菴蘇鈞二明府

春風夏雨同生物南浦西山一舉杯老我情懷猶劍外把
君詩卷憶僊才莫嫌黃綬迎人晚且喜繁筭傍日旌雲滿
馬頭應叱馭循良傳裏更誰來

息凡見和奉贈之作且送余西征依韻為別

怪底瑤華驚老眼相逢鸚鵡託深杯文章有道宵憎命山
水多情未盡才萬里星軺邛笮近五夏邊月帳牙開康居
禿髮君休問雪嶺冰天一騎來

再疊前韻

楊子宅前慚問字杜陵籬畔尚餘杯錦江人去逢秋色蜀
道吟成信異才燕壘風高宵幕迴雁行霜勁隴雲開無端
消息傳南海林邑驚心貢使來西夷米利堅國遣使顧盛京師粵帥卻之而許其求

翼日達庵亦有和詩二章三疊前韻酬之

冰雪崢嶸天外路霞文磊落席閒杯引心已見物交物遠

害何知才不才別史恨長千載近奇文境險五丁開巴渝
一唱頻煩和絕勝陽關曲裏來劉孝綽詩共摘雲
開藻同舉霞文杯
奉使唐蒙嘗蒟醬消醒西域問簾杯壯遊自託儒生幸好
友偏多上國才去日庭前黃菊滿歸時休放碧桃開長沙
不用嗟遷客贏得支機天半來

邛州

碧水雙流日易斜楓林時復見霜鴛單車歷碌空文藻閒
煞臨邛賣酒家

十月六日至名山縣穆遠峯大令精阿贈茶

名山邑小主能賢贈我龍團逾半肩待取海西千丈雪一
鐺活火換新年

渡平羌江至雅州晤余小坡太守

錦江西去接平羌青海遙通古塞長誰信白頭猶奉使笑
他年少成燉煌

使君仗節古諸侯驄馬還臨大渡頭政好不嫌邊郡惡黎
風雅雨足吟謳青溪縣古沈黎郡地每日必風雅州郡治
即漢嚴道縣十日九雨諺云黎風雅雨

榮經縣

榮水東流瓦屋山荒城人語半羌蠻怪他風雨時交會地
在沈黎嚴道閒

小關山榮經縣西五十里

嚴霜草凍石稜頑峻嶺雲橫雪樹斑板屋數家鷄唱曉歲
寒人度小關山

題丞相嶺廟壁在榮經西七十里又二十里即清溪
縣治晉武侯南征過此後人遂以名
嶺且立廟

參差林磳挂冰條嶺日晴烘積雪消千載英靈丞相節一
官落拓野田匏重承 明詔來荒服敢憚微軀使不毛天
步艱難時事異古來惟有中興朝

雪中口占

雪裏行蹤本易尋屐痕消盡有空林豈知地老天荒後陵
谷無從問古今

十月十二夜宿瀘定橋

泚水真如激矢行砰訇終古不平鳴九龍鐵纜騰空勢萬
馬洪流動地聲歷歷天星仍北拱勞勞漢使憶南征殊方
日漸通蠻語又聽番僧鬧鼓鉦

瓦斯溝

荆榛蔽石雜芳椒擊柝傳呼斥堠勞斜日破雲穿屋漏遠

山橫路束裘腰序逢小雪驚時晚人耐卑官任客嘲此去
魚通無百里渡瀘誰見水源高

頭道水

蒼藤萬仞兩絕壁瀑布一簾香靄閒走雪飛雩三十里始
知銀漢在深山

出鑪城寄示瀘昌

今年垂髮欲成童溽暑隨舟向蜀中曉放書聲輕駭浪夜
貪月色坐微風九旬寓館魂方定一夕官符別太恩問我
西行更何處雪山迴首矗蒼穹

濯龍錦水渺如煙杜宇蠶叢又一天奪色豈無人惡紫著
經猶望汝通玄蕭條門戶寒儒分袂驚蕃僧下吏權終是
出關乘使傳得平蠻觸卽安邊

飛越嶺示汎卒

在清溪縣西一百四十里最為陡峻乃蜀邊第一險阻唐置飛越縣於山

廢

疲馬峻盤飛越嶺夢魂遙度折多山天心不隔華夷界地險何須虎豹關霽雪凍含雲黯黯陰崖愁見日閒閒健兒莫嘆書生老一飲能朱鏡裏顏

出鑪關答送行諸君

蚤年歿夢出陽關投老西行過雪山佛國戊屯勞歲幣蕃僧師弟弄刀環重臣持節多邊計上相陳辭悅 聖顏奉使但期無辱命白頭敢望玷朝班

自折多山至提茹道中

折多在打箭鑪外五里出關首站也

冰堅石亂兩巉峨臬兀肩輿在側顯短樹赤莖無綠葉漫山白雪混銀河蠻荒竟日人煙斷野宿炊茶馬糞多千里

哀糴騶僕眾烏拉辛苦莫輕訶

阿孃孀曉發

折多五十里爲提茹又三十五里阿孃孀又三十里俄松多

蠻寨夜宿阿孃孀危橋朝渡俄松多崔巍三日得坦曠輿馬蕩蕩驅長坡蕃兒喜笑紅日煖負戴踏冰行且歌憶昨百戶迎道左酥油跪進茶叵羅拾級道我禮佛處金頂矗立高巍峩雜選男婦堂內外喃喃經咒能無訛蠢愚豈盡解梵誦經筩萬轉功恆河吁嗟乎西方金天氣肅殺淫凶殘很人偏談孔孟不到政教缺慈悲導化煩維摩 聖皇馭世大一統因俗爲治平無陂迂儒小生強解事紛紛著論奚足呵

七月閒初至成都僦寓爲一聯語揭室中云智常無

礙須彌小心自能亨蜀道平今晨行火竹卡道中忽

有所觸卒成一律

天女修羅事幾更一燈如豆滅還明
智常無礙須彌小
自能亨蜀道平蝴蝶夢中觀大化
焦寮枝上足三生
莊嚴世界知多少
星斗高寒江水清

余行月餘矣身歷邊外山川之險目覩夫馬長征之困慨然有感作烏拉行

蕃兒蠻戶畜牛馬芻豆無須惟放野
冬十一月草根枯牛瘦馬羸脊如瓦
土官連日下令符十頭百頭供使者
使者行程逾數千措糶難厭盤蔬寡
備載餼糧羸半歲橐裝擅裹誰能捨
天寒山高冰雪堅百步十蹶踣
院墜鞭垂橫亂喋無聲誰憐倒斃
陰崖下我謂蕃兒行且休停車三日
吾寬假艱難聊作烏拉行牛乎馬乎
淚盈把

裏塘宣

論胡土克圖不悟東旋感賦

康衛迢迢萬里行崎嶇來往趁冬晴
蠻山竟化千年雪梵寺空懸五丈旌
帝德遠猶同覆載苗頑久自外生成
小臣職在宣恩意天上應聞太息聲

後湘續集卷之三終

後湘續集卷之四

桐城姚 瑩展和甫

先薑塢編修考陸放翁乙卯年七十一詩敘定放翁
生於宣和七年乙巳十月十七日瑩以乾隆乙巳年
十月初七日生道光乙巳二月五日展少陵先生及
放翁之祀於草堂有感

晉賢自嚙窮不死乃復有人同丙子天公巧弄古夏今壽
永南山亦徒爾退之子瞻同命宮儋爾益甚潮州窮箕口
牛角自張奮磨竭精氣千年雄放翁老夏逾秦棧宣府幕
前作幹辦樓船鐵馬望中原一身况是多憂患長城已罷
兩鬢衰細腰宮畔秋風淒淋漓痛飲嚮天地汴水章華空
自悲誰遣詩人多入蜀悵望蕭條悲宋玉草堂醜食秋復

後湖雜集 卷之四
舊軼男競唱巴渝曲一杯遙酌薦青蘋東風等爛錦江津
感嘆歲華逢乙巳與翁何事又同辰

三月十七日再出打箭鑪南關

滾水噲咄惱容聽雲峯石劍路三經多情關外猶舊色幾
樹麻楊嚮客青麻楊即白楊葉短而
綠直蕃人謂之麻楊

折多山雪

十里晴山千里雪紅日彤雲遞明滅日蒸乾雪不肯消十
尺白鹽煎竈鐵雪山蜿蜒不可竄青海崑崙一望中枉說
長江限南北車書萬里久來同罪臣來往乘使傳西域蕃
僧數相見欲問金仙苦行時迷離梵唄無人辨蠻山三月
草未青礪樓雖破猶堪停怪底輿中寒起粟無端風雨卻
橫經

高日寺

山也在東俄
落西十數里

山中夜添雪數尺天上寒雲帶愁積肩輿破曉驚山靈萬
栢千杉森玉立西來岡嶺多不毛惟聞石礪水怒號到此
始覺林泉勝何來怪鳥鳴鴟鴞山高徑仄苦難上蕃兒曳
輿不可仰更駕雙牛汗喘登人牛喧雜行踉蹌去年經過
前山溝羴牛跌死猿猱愁蕃兒言之淚交流問我於役何
時休往來時序殊春秋相對忽忘人白頭

八角樓桃筍一株

長松掩映水流灣橋畔桃筍鞦韆笑顏八角樓邊晴雨後蠻
中記取此青山

西行所見刺麻寺多矣僧既穢濁其誦經皆在喉間
初無音節鉦鼓喧振雜以鐃鈴使人厭聽

見說西來多梵唄喃喃不辨鼓還鉦經過三百八十寺何處一聞清磬聲

寓裏塘僧樓卽景

小樓終日對蠻山積雪時消艸色斑駁晚烏雲渾欲雨晴虹忽墮枕窗閒

與丁成之別駕寓裏塘小刺麻寺樓二十餘日守督乍雅諾門汗西行室僮盈丈一窗如竇兩人坐臥相對戶外晨夕炊煙作馬牛糞味散行無處口占示別駕調之

丈室經旬似係囚炊煙糞味幾時休無端卻憶文丞相燕地三年一小樓

代答

生非博望使河源豈問祇陀孤獨園丈室自開獅子座文殊摩詰兩無言

四月十二日土司餽牛肉一蹄飲酒未半甌陶然竟醉夢中忽成一律

世事紛紛各有胎八還物我不須猜縱成木養形先搞慣作鷄棲心未灰泛海黑風時自警攫金白晝亦堪哀青天亙古無中外倦馬臨歧首重迴

四月十四夜雪讀衛藏圖識

細雪霏霏晚未闌重裘四月覺深寒攜來圖志多驚異薄酒鐙前擁被看

裏塘烏鴉大於肥鷄聲如鶴鷗不巢樹而棲人樓屋上甚可憎惡西俗人死置諸野聽烏鳶啄食謂之天

葬莊子在上為鳥食殆即指此

跬步岑樓不出門密雲霏散易黃昏生憎窗外鳥聲惡莫作長沙聽鳥魂

頭塘曉起冒雪登山

四月今逾半蠻天雪正飛馬牛毛躡蛸男婦毳重衣怪石欺人立重山讓棘肥行行明霽色萬里亂光輝

將至巴塘見松林口雋樹二株一紅一白葉似枇杷雋皆一幹數朵每朵十數小雋合抱狀如蠟梅磬口

檀心特紅白異耳詢其名曰達麻雋為長句賞之蠻方風景日日殊人物詭異形難撫千山石樹萬山雪一

雋如見傾城姝達麻之種經所無葉如枇杷青上腴朵開合抱雋十數深紅淺白聊可娛檀心磬口牽裳裾蠟梅方

之色不如老夫倦眼行模糊綠衣紅衷相迎扶遐荒憐汝苦寂寞野鶴朝暮空飛呼

巴塘端午

巴塘四面皆山中開綠野周數十里青稞小麥彌望所居行館依近東山頗高潔可以眺望端午日庖人具鷄豚鮮魚為饌蠻中不易得也申刻雷雨

一陣遙望山色空濛人行麥隴恍如在成都矣輕雷飛雨麥翻風山色雲光態不同憶向成都行綠野幾人蓑笠在空濛

皮船行

皮船之製聞之久矣過中渡河見之岸上未觀其用去巴塘西四十里地名牛古有大河東南流

藏圖譏云卽金沙江按今輿圖蓋巴楚河也其下
流入金沙江互雲南而入四川卽岷江矣河流
頗急下多石蕃人以皮船上下竝舟而行甚迅乃
爲皮船行

皮船形製如方鞋木口籐腹五尺裁受人四五一短檝竝
舟繩貫行能偕山高夾水流湍疾頃刻已過峯千迴嶮岨
大石偶擊撞回旋輕輒無驚猜溜筒雖奇尙險絕此物穩
迅誰所開讀書蚤年想奇製天使譴謫殊方來異情詭物
飽經見賦詩老矣慙非才

空子頂一蕃官子年十二已爲沙彌數載甚聰俊其
父愛之延僧於家教習梵誦清朗可喜地多綠鸚鵡
時飛鳴檻外若有知者

善財幾歲得無生十地初參欲問名一隊綠衣飛不去朝
朝檻外聽經聲

殊方政教不相如貴異還同釋與儒若嚮中華求俊秀老
夫合送五車書

莽嶺

黃雫貼地草如茵平遠山光欲笑昔怪底風寒輒撲面雪
峯數點又迎人

南墩夜月

浮渡龍眠未有期錦江暮色亦迷離白頭中夜裴回處
靜山前月半規

江卡道中

萬里關山度險巖衰年未肯負須眉平原淺草馳新馬一

片愁心付健兒

五月二十三日乍雅曉發望雪山

紫菊秀開事遠遊黃梅子熟尚悠悠蠻山亦自含愁重笏
立千峯盡白頭

乍雅西北昂刺山積雪甚厚一望無際險峻異常人

馬數蹶作雪山行

夏至已過生一陰雪山雪盛愁人心崔巍高下渾莫辨神
搖目眩誰則禁馬蹄數蹶骨欲折十人九仆還呻吟千年
老鵬不敢過狐兔放膽時追尋日方卓午正騰耀雪光不
受相欺侵白雲雖白黯無色惟見缺處杳杳青天青我聞
丹達之山多雪窟井嘗數丈無其深管人運餉此一墮數
年雪化軀亭亭官卑未知名亦沒神廟赫奕猶垂今感念

貞魂一灑淚崎嶇世路徒惺惺吁嗟乎勞人艸艸古所嘆

我歌一闋君其聽丹達山在西去一千五百里入藏孔道神頗靈異

察木多大呼圖克圖今已數輩相傳為明建文轉劫
俗說無徵亦見當時天下憐建文久而不忘也

異代興亡殘骨肉千年遺恨託浮雲長陵抔土空神武西
域人猶愛建文

察木多中秋望月有感時連日誤兩呼圖克圖之案未已

投老方為異域行解紛何似請長纓番兒應笑陳湯拙拉
楚河邊空月明察木多廟前二水合流名拉楚河由瀾滄江入海

秋寺

年來况味是行僧踏遍千山雪裏冰塵榻鼠跳聞夜雨佛
龕香冷坐秋燈江湖鷗鷺原無競吳越鴛鴦謝未能孌孌

西風吹落葉祇陀園畔聽呼鷹

即事

掃地焚香不見僧尚憐老卒髮鬢髻空王紺宇秋巢鴿蕃
女穉褰夜上燈金菊玲瓏栽萬壽寶珠圓璨悟三乘崑崙
即此通西極欲借驂驪試一登後藏岡底斯山梵書名阿
阿得達池云即瑤
池也予別有說

察木多西北博窩野蕃多出良馬丁成之別駕購得
其二余亦得一別駕故善騎與張竹虛日乘試之竹
虛偶墜傷面為二絕調之

天馬曾聞出渥洼漢皇上廐幾名駒而今騏驥尋常見西
域原來屬帝家

書生萬里走西陲便欲窮尋阿母池驥裏不須憐一蹶追

風善墮是男兒

後藏岡底斯山下瑪珞穆達賴池
蕃人相傳即西王母之瑤池也

打箭鑪以西菜味甚難得有餽瓜蔬者如嘗異味察
木多漢人稍眾有園丁四戶日市菘蕘萬苜供饌喜

而賦詩

菜根百歲腐儒餐千里西來入饌難佛地伊蒲甘露好滿
園香馥勝芄蘭

酌丁成之

又是黃萸爛縵天蓉城秋色憶無邊階前楊柳還相妬蚤
遣青枝迓客筵時階下楊柳一株舊葉
方脫新葉已滿枝矣

察木多九日食葡萄懷家兄伯符是日宣太守下兩
呼圖克圖判牘

殊方三值思親日可奈茱萸憶弟時宛馬新求西域種葡

荀還似故園枝

兄宅中葡萄味極相似

空聞節使和鉤町

未許軍丞斬郅支

不食者十五年矣 聖主如天明詔美小臣何敢惜煩

辭

一簣障江河用沒其身漢書何武等傳贊語也魏鶴

山嘗手錄之感為五言

一簣障江河違俗道窳失三危居半歲殊異未可述信知

九州廣何必戀蓬室寂寞憶陳言久坐消白日階前菊已

衰枝上揚未密志曠居無陋行孤動斯室誰言柳下和已

信三黜直

與竹虛夜話自臺灣入都假回桐城至成都奉使西

域中夏裏塘往返行經二萬八千里矣患難相依壯

懷未已不覺身之衰老也

三年二萬八千里雙騎東西南北人故國江山隨過眼蠻

天風雨苦侵身篋中賸有楞伽字爨下空勞汲黯薪一語

應輸尊臚客此行猶未到崑崙

贈漁童

兩三土屋傍河干十五兒童解釣竿賣去素鱗歡阿母措

糶幾日足朝餐

自題康輜紀行卷後

萬方囊甲慶承平小吏嚴符敢憚行冰雪未消千里凍觸

蠻難罷十年爭憂時綆短肱空折壞古心長淚欲傾佛火

一龕忘異域宵來猶待曉鐘鳴

成之和吳春颿韻見示頗切歸思依韻奉答

世路何人惜暫分皇華萬里靜煙氛葵心到處長傾白藻

思知君健入雲天外有山惟積雪海西無馬不超羣他年
一事應爭羨奉檄新通異域文

錦官三月去晴郊無限煙籠弱柳條關外經秋人影闌
中幾日黛痕消吹來骨角悲還壯倒盡金樽夢更遙拉楚
河邊同索句不愁歸路度冰橋蕃僧吹角皆以人勝枯骨
為之其聲淒切甚於感痛策

察木多少雁十月偶一聞之是其本鄉非賓鴻也蓋
雖關外而地在西南非塞北苦寒者比故時已冬後
無用入關也感而誌之

十月長河已上冰數聲寒雁苦驚矰旅人莫問湖湘事北
嚮南翔總未曾

穿木多冬雪

五月天山時積雪冬來翻覺雪時稀殊方竟歲重裘慣不

畏宵深炭火微

撥火

鐵盆撥火夜猶溫一覺能招天外魂行處但須清夢穩家
人無事罵章惇

少陵愁坐詩云葭萌氏種迴左擔犬羊存終日憂奔
走歸期未敢論戲反其意

白頭來異域竟歲狎侏僂赦手人如堵蕃人敬信大剌麻
與胡圖克圖所至
千人膜拜求喇嘛手醫病人不知服藥以牛羊
摩其頂曰討赦手塗酥曝作酥乳油塗體曝日中蕃
僧咒天中冰雪嶺屋角鬼神旗日打箭鑪外至藏中人家
屋之四角皆插竿懸小蕃
布旗上書符咒僧廟則懸大
旌或金其頂曰鬼神所望也左擔休驚險言歸亦解肩

東坡詩云我家江水初發源宦游直送江入海余行
反是更爲一絕

海入江流是我家江源行過路還賒西來寒日多長景爲
伴羈人駐歲華

棲鴉

寒窗遲日度疎櫺鷺嶺秋來已斷青欲問此身真住處棲
鴉時復語空庭

曉日

曉日玲瓏照檻清山高未許障光明負暄無限蒹簷叟先
動竅邊挾續情

歲暮雜詠

濁酒盈卮莫縱狂漢書誰與醉滄浪效顰幸免依梁竇東
髮先曾薄孔張慘澹風雲空騁轡裴回歧路惜亡羊多情
一片天山月照我殷勤似故鄉

巫峽丹楓思渺茫不須玉露嘆凋傷九天鳴鶴曾垂地六
月飛蚊尚隱廊鐵索縱橫通佛國金輪輾轉轉山王破車
殺馬從君誓林下誰知憂夏長

老去方知世事艱側身千古孰躋攀木灰鹽菜思商管橈
樯箠瓢訝禹顏黃鵠漫尋天地闊青松久謝水雲閒少陵
絕塞愁豺虎落日孤城且閉關

青山何處覓埋憂白髮蕭蕭倦倚樓星近不知霄漢迴身
危始覺海漚浮碑尋邏些餘長慶江問金沙夏上游聞道
瑤池能宴飲飄然還欲小神州

愛古誰能不薄今古山今海自高深功名已付闔棺論著
述嘗懷覆瓿心茶粥沙城喧鼓角晏陀蠻水變鉛金西來
便到天盡處枉事成連學撫琴

茶粥沙國在極西日落海
中聲過雷霆城上每以千

人鳴鼓吹角亂其聲否則人多震死曼陀
蠻國有井水銅鉛錫鑊拭之皆變黃金

偶成

唐宋元明各有人詩成不解若為隣欲尋羣怨興觀旨茲
服紅妝漫鬥新

歌行律句總心聲風月江山別有情底事樓頭翻水調湘
娥一夕淚縱橫

余與丁成之資斧罄已三月貸於茶賈艱甚延望省
批不至成之有憂色詩以慰之

萬里乘樅欲到天星霜迴首易經年大官自惜封樁庫異
域難求公使錢未必張騫留漢渚還如夸父飲長川人生
逆旅尋常事猶勝窮廬啖雪瓊

宜城酒有九醞者古人謂之酸酒以為佳釀今時久

未聞矣蜀酒以大麴為上清酒也去西北高粱遠甚
打箭鑪以西大麴亦不可得蕃酒以青稞為之甫釀
微酸即云成熟名之曰冲酷嗜之多飲亦能醉人余
久寓察木多令造酒者三釀之稍可飲東坡云惡酒
如惡人彼時惡人猶可避耳若處今日尚能辨其佳
惡哉戲紀以詩

會聞九醞自宜成留得微酸亦有情絕域逢人休道惡從
來薄醉勝清明

蕃女多無夫其父母不問聽自為生與妓無異不知
妝飾衣襪瑜櫛髮洗面而已察木多酒家數十皆以
蕃女當鑪謂之冲房冲讀如銃戍兵刺麻雜選歌飲
其中穢陋可憫女無少長皆曰鴨頭似漢人教之也

鴉頭三十曳璣瑜解唱夷歌不見夫佛子健兒同一醉不知何似聽巴渝

夜坐

男兒富貴劇堪憐第近城南尺五天受縛名王盪伍噲失官故相敬迎賢成都有象八百樹地下空將十萬錢斥鷃鷓鴣莫相笑御風列子亦泠然

入宮見嫉為娥眉作客還聞叫子規世事何嘗異今古解人或許其權悲棲身遼海原無計賣卜成都未足癡天漢懸名辭不得怪君終日下簾帷

臘日有懷

絕域悒悒送歲窮誰將長劍倚崆峒奉盤曹沫盪三北瞻馬荀卿欲再東野水迷離紫客夢蕃兒頡曲學華風隴西

老將頭如雪醉尉宵來又幾逢

寄酬方植之

深思好學邈先儒頭白猶聞力著書自守元經貽范望何須羽獵似相如考槃半字精無對紅樹青山健有餘念我題詩來異域蓬萊征路欲迴車考槃半字皆君自名詩集

商聲古調入君絃掩却金徽幾歲年召飲偶開元亮徑卜居常近范公泉射蛟臺樹藏菖艇投子山鐘隔暮煙自有醞醕堪灌頂不煩蒼藟覓三千何兆詩蒼藟三千灌頂香君善解佛經此翻用其語

酬光律原

黑髮歸田閱歲華成書直欲滿千家輸君終始神僊侶老我遲回博望檉自毀劉安鳴木鐸虛鮮郭璞笑蘭葩黃河灌溉空前語何似朱明天半霞皆余嘗與君書云君如天半朱霞雲中白鶴可望而

不可及瑩則如黃河之水千里一曲雖涓流細滴亦足以灌漑由園而兼挾風沙中不免於污雜

酬馬元伯兼壽其七十

譚經絳帳是家風蚤歲才名冀北空虎觀自通中魯說郎官常濟水衡功畫圖出寒鳴笳壯遼海還家得句工不信龍眠山色好看君七十少如童

冬初得家書言伯兄近歲頗衰心常憂之以余比年多故兄之衰有由來矣祀竈日卻寄

伯子傳聞近益衰故鄉西域不勝悲百年身世常憂患十口親情半別離買與神方遲大藥營成先兆恨靈龜入關一事君堪慰滿載歸鞍佛國詩往在揚州得再造九方諸藥已購惟水安息苦不可得延今未就又聞先瑩有蟻患亟謀遷兆

與成之別駕貸得西賈茶千金謝都閫見贈博窩馬

各一余復買蕃酒一瓶成行有日誌喜

西蜀靈芽萬里還博窩驥驥出人閒蕃兒忽訝歸裝富更買新醪醉入關

察木多歸次聞少穆舊帥以九卿 召還喜而有作

白髮丹心出玉關清風朗月滿天山五年中外同翹首一夕烏孫報 賜環 明詔應收父老淚花磚仍冠上卿

班三吳故吏如存問新探江源雪嶺還

丙午正月四日自王卡至噶噶人日立舊至昂地山中
中所過連夜蕃男女數十聯臂踏歌求賞

清宵到處踏蠻歌異域舊回慶太和欲問征人行樂事萬山雪霽月明多

將至中渡麻格宗道中

絕壁崢萬仞重複莽迴互歲深松杉黑石怪猿猴怖急湍
瀉哀鳴盤曲道我路澗闊迅飛鳥馬遲屯宿霧裴回悵孤
躅白日時一顧

還度飛越嶺大雪

千盤陡峻瓊玉嶺一道深寒冰雪槽行人蜿蜒入雲去微
聞倦馬空中號關門戍卒凍欲死叢樹飛禽不敢巢老夫
往來亦已慣欲語歸恐驚兒曹

二月十八日行白化林坪以東沿途桃李盛開

東風駘蕩楊葉舒桃粵李粵滿路隅漢津乍返張騫擢蜀
道仍叱王遵車蹉跎歲時客中客流連光景殊方殊江山
閱人不世態艸木得氣咸昭蘇循環默感造化意陽和陰
慘良須臾絜比長短異巧拙方朔飽死飢侏儒尻輪神馬
亦偶爾縣解不解徒拘拘久矣摩頂笑墨翟一任名實嘲
溷予

還成都寓舍

裹糧直逾三千里槁首同歸四五人雪石冰松天外嶺淒
風冷日馬前舊燕疑隔世巢痕舊蝶認方塘艸色新我似
東坡在南海朝雲曾不厭清貧

後湘續集卷之四終

後湘續集卷之五

桐城姚 瑩展和甫

蓬州

古相如縣世傳顏魯公為長史于此

五品非卑官薄祿勝羈旅况本塵埃吏簿尉實舊侶山城
 餘百戶形勢亦云阻一水下岷江商賈不通貯地貧少租
 稅俗薄易雀鼠鞭扑詎能無敢冀空囹圄昨來嬾龍睡五
 月農不舉受事即禱祈澤幸及原墅民呼感應速亦已歉
 苗黍司馬管有城平原實治所仰依名賢蹟開卷聯對語

晚涼

屋瓦松猶見山城已報夏鳥啼桐井歇柝響棘垣清露雨
 迎初伏炎風放晚晴一官非傲吏散髮竹牀橫

秋日即事

公家事了未嫌癡鶴髮何當百里宜政拙祇應書下考山
深坐許作蒙師香生桂樹分秋色酒映芙蓉酌晚卮此地
不貧堪吏隱木奴滿苑實纍纍

一峯笏立階前石千載人傳屬魯公夜雨半庭酸橘袖秋
聲幾樹響梧梭碧痕班駁無餘色古意峯寄欲掃空終日
對君惟百拜九華何必羨壺中

署東偏一石峯高七八許
相傳云顏魯公故蹟也

絕域生還好夢甜尚貪微祿未爲廉典共每恨商居遠買
米時憂市價添檢點詩書餘幾架校讎文字值千緡腐儒
風味休嫌澹時有飛紅墮屋檐

蓬州無質庫每典裘使
人至郡逾百二十里

城外羣峯入坐青枝頭小鳥靜堪聽
幸未終宵雨愁重偏能竟日醒
邊柝已聞懸雪嶺艸堂無事問山靈
蜀中自是繁饒地杜宇何因叫不停

食橘

庭中佳樹復何有八桂丹青五朱橘
紫薇已罷芙蓉鮮梧柳枳欄相閒密
秋來滿樹火珠垂僮婢懽呼摘園實
三王五帝味相反四株咸酸一如蜜
前人護惜局以垣頗似揚州屈豫室
紛紛月下散樞星纍纍風前搖杲日
甯知江陵千戶侯交趾橘官亦崇秩
我今坐擬建安守不待明曹芳味溢

夢回

夢回愁聽雨聲纖石徑苔痕幾日添
小市城中喧豆米短篷渡口見魚鹽
庭因吏散開新卷室覺風寒覓舊簾
供應後時應自歎不關徵索羽書嚴

晚菘示濬昌

秋菘入市飽經霜齒頰朝來有異香晚歲我猶羞肉食少年汝幸免膏粱綠葵白齏盈畦町玉筍金櫻自上方人物豐和時序順宅邊勝種百株桑

送江雲章

故同年子來畱三月辭歸

主張祿命謝輕肥趙孟何知仲子饑愁客占多疑好語羈人旅困計寒衣官因地僻疎迎送心與天和任是非無術畱君且歸去稍營升斗慰庭闈

聞達厚庵青海大捷

捷書朝奏動天顏為許西師振旅還千里虎羆窮鼠穴十年騏驎失狼山雕弓馬上驚飛將舞裒軍中罷翠鬢已斥貪庸收國士報恩雙鬢莫全斑

東坡過巴東為萊公遺蹟詩云江山養豪俊禮數因

英雄執版迎官長趨塵拜下風當年誰刺史應未識三公余謂先生是時方少故作此語耳豈知雷州詹耳後來同一感歎耶萊公雖云少學然不讎丁謂其胸中脫灑何殊蘇公豪俊固有天授不可以尋常學問言耳

消除司戶與三公禮數何關拜下風蘇寇本皆豪俊士固當萊國勝巴東

九日攜濟昌遊古佛洞還至慈雲閣

束髮明唔偷學詩偶因拈韻辨饑飢渠食橘能懷母從我尋山亦解騎新霽登臨剛九日晚鴛爛漫尚多枝昨來送客吟長句也向天涯惜別離

濟昌是日有句云東望懷慈母思嫡母也又嘗作送

江雲章詩辭意頗激昂

慈雲閣觀芙蓉觴客

經旬雨積苔侵寺一騎晴衝霧滿天猶對芙蓉延醉客何
須叢菊燦當筵依山遠樹離離日抱郭清江曖曖煙嚮晚
耕人原上語短蓬知有過來船

蓬州無菊

癸卯在臺灣就逮諸生有禱天后者得讖云制虎降
龍靜煉丹從今縱躍出元關前途一片風光好不到
蓬萊只等閒疑或不死而至登州及來蓬州乃知其
應晉東坡出獄謫黃州四年至登州有海市詩余往
來渡海者六由今思之何殊海市耶坡公至登州年
始五十余今六十二矣然公六十二歲尚有儋耳之
謫余幸不已多乎

人馬珍奇幻蠹樓此生常擬到登州蓬山便是蓬萊閣海

市當年已漫游

東坡先生易簣之巨徑山問疾叩耳大呼曰端明宜
勿忘西方先生曰西方不無但箇處著力不得余嘗
疑公西方一語似于此事尚未了然頃思先生自黃
還過筠州子由三人同夢之事乃知先生作本等語
也要作一偈

已知天地有窮盡何必浮雲辨假真箇處先生能把握戒
和尚本是前身

雁

去年塞外初聞雁今歲人歸未是歸霜日迷離江上路海
天寥落雨中衣過關不覺新寒重聯影方驚舊侶稀九野
冥冥飛自遠弋人幾處費張機

苑中芙蓉一樹高出檐
鵝開百數十朵大者如盃色
紅而瓣多自中秋後終九月未已

石卿僊去主芙蓉西蜀名
雋著意穠山城賴汝闡秋色
含芳吐豔多丰容高齋相對
闌晨夕濁酒半醒還歎惜
美人顏色晚未衰老翁青衫
已深碧斜陽解事破秋陰
十丈紅雲鋪錦席

送秋詩立冬後一日作

昊天有北斗權衡不自將
坦然付四氣各自乘時王
青帝育萬物醞釀和且康
炎景雖云威長養盛以昌
功成物情遂一一含精光
暮收夫何爲坐享千倉箱
憑陵作蕭瑟附之以風霜
芙蓉非不豔叢桂亦芬芳
無何俱銷歇蕭條等垂楊
金顛自謂堅無能爲汝長
松栢在何許深淵或崇岡
貞姿異柔脆不登百尺堂
甯知元冥來秋亦自遁藏
祥靈布四野愛日彌萬方
願此鬱葱樹悠悠誰能量

活魚

鯨鼈不受釣魴鯉易入罾
嗟爾尺半鱗朱腮貫青籐
目吻雖張翕鬚鬣已不勝
淒風爲汝悲白日慘莫昇
得水尙能活忍遂几筵登
階前砌石盎水可容千升
徜徉蘇汝困淺仄其毋憎
蜀江舊浪動會縱汝飛騰

紀事

低頭事簿書終日未能已
撫循憐鼠雀徵索痛鞭箠
蜀人好營業買田旋復市
室無百金儲野少十年耜
逋負常滿身追呼不容晷
作息非不勤居游未云侈
問汝胡爲然志貪拙經紀
風俗自何年宋世已如此
紛紛括白契不解媿

後湘集 卷之五
遺恥感歎李伯微誰歟作備始

州西郭二里許有小阜叢竹翳茂在五馬山南下臨
嘉陵江洲上四五家依阜作耕阜上有慈雲閣乾隆
中前知州周君天植傍僧舍築室闢小菊圃鑿池構
亭塑十三瓿神亦自肖像其中云菊瓿神也時時往
遊或信宿返復買田數畝使僧守之歿後州人以其
室爲仁廉祠奉君及前後蒞州之有德者歲一往會
丙午九日余觴客于此距君七十年矣憶其時政平
吏廉民物安阜訟盜稀少官吏能自給且有餘力營
此宴遊君殆吏而僊者乎聊爲五言一章

聖代多廉吏上下政如一守令能愛民安阜萬家實茲州
事旣閒庭草皆深茁城上山光青城下江流瀟使君本神
僊讀書無失律闢圃從西郊菘菊構靜室魚隊亭前親帆
篷林下出命駕時欣然孺叟無呵叱遐哉無爲吏何止高
士逸俯視塵埃人混混禪中蝨池館今猶在嘉卉不存一
村老已白頭屈指譚昨日

觀物

微物含生氣蠢然若有知紅英墜藩溷飛蟲投蛛絲本爲
無心動已自邁艱危生死皆偶爾天道何盈虧

榷楠遭斧斤巨石被燒鑿山澤非不濶求者苦搜索黃綺
入商山亦受建成託安期與伏生幸乃全矍鑠子雲守太
元自謂甘寂寞投閣已貽譏况更爲美劇理數各有然是
非徒妄作淵明好飲酒茲事竟何若

飲酒不必醉旣醉亦復佳彈琴且安絃徵羽何須諧吾生

後相續集 卷之五
自有盡萬物各有涯今時跋朱履明日還青鞋造物各區
區骨肉徒安排青天在何許浩浩原無堦
白晝思攫金不復見市人國士志天下遂亦忘其身立心
雖殊異貪侈無乃均徇名與徇財異世同悲辛四時本代
嬗何能長青蒼鷹鳩本一物變化甯無因委運任自然病
者徒爲呻

搏土作偶人媿妍原未一有物或憑之靈蠢亦異質媿偶
善爲禍妍偶善爲吉還問搏土人甯復有異術當時本無
心後來誰能必功過兩不居恩怨自茲畢

鯁生不自量慕古意深廣岱海以爲期治平如指掌聚米
談兵事窮幽極非想萬物備一身大樂和羣響力薄時復
乖身挫氣益上內外兩何益出入徒慨慷人猶追來茲事
多恨旣往此心竟誰期悠悠盟惚恍

賈薦自廷尉蘇舉亦歐陽論說動人主干勿游鳳凰絳灌
忌更變韓欲老棟梁用意賢佞殊放逐同彷徨主恩豈伊
薄臣生本不祥遇合尙有然不遇何足傷

騏驎服鹽車螻蛄制鱸鯨大小一變置造物甯無情至道
本沕悶何有長短名世人自賢知強弱爲重輕易地而反
觀可以全其貞

戲贈

風塵不惜玉顏衰蜀道頻年共險巖龍錦遠緘歸大嫡寶
釵路典進征緹三萼粵事憑園叟五夜書聲伴衮師念我
官齋蕭瑟甚含愁未肯蹙修眉

示左亦齋

皚皚霜雪忽盈顛
苒苒韶華憶昔年
絕漠幾人盤再辱
漢宮一樹已三眠
長虹不掩雲閒氣
薄霧難銷劍外天
太息武侯祠畔柏
時聞笳鼓亂芳筵

蜀故多盜比歲成都尤盛近益猖獗揚言劫大府入
覲輜重供張一路爲之愆期有檄諸軍合五屯進勦
川北郡邑截檢逃盜

錦城桴鼓尙紛紛
江上聲傳劍閣聞
使相暫停旬日節
羽書遠備五屯軍
蜀人俎豆思清獻
楚國治兵愛子文
寂寞山城還授子
數莖白髮對斜曛

世路

崎嶇世路悵離羣
老去猶難脫垢氛
一飯未忘東郭履
十年長憶北山文
寒風日夜蕭蕭樹
滿眼關河黯黯雲
結習

自娛無異事時因辟蠹種香芸

枕上作

生前命宿逢箕斗
老去年華夢角張
世事傳聞空慷慨
夷歌到處總悲涼
風沈玉漏人敲枕
天倒銀河月滿牀
屈指千秋陳迹在
不煩僊客熟黃梁

韓蘇二公生命皆月直斗宿故能文章而多是非遂有潮州詹耳之責余命泊張月度月亦躔斗崎嶇坎坷略似二公星家言豈信有驗耶

占卜

愁人好占卜積歲或不應
龜筮有短長世亦相詬病
五行與太一辯訟當誰政
或言事吉凶因氣爲衰盛
變化環無端奚能究其竟
今日大吉卜聊復爲君慶

長至日過菜園作

一陽何處問天心
隴上寒梅未許尋
已信剝廬容碩果休

後湘續集 卷之五
誇泮水獻南琛菜霑小雨連畦潤魚避嚴寒竟日沈安得
蒨檐從老圃瓦尊晨夕坐譚溪

後湘續集卷之五終

後湘續集卷之六

桐城姚瑩展和甫

雩事

州廡東偏有小苑桂橘櫻梧芙蓉紫微櫻桃桑榆
桃柳雜蒔數十株小池二方可以種荷翠鳥一對
巢其側時同百舌黃鸝飛鳴沼上中庭片石矗立
云顏魯公時物也城外山光四圍不斷廡中復有
此勝豈惟排遣俗情亦足自誇僊吏矣作雩事一
首

婆婆老子不禁舊也費東風換物新桃柳何心還弄影燕
鷺有意欲窺人遠峯嵐積橫青黛小沼波添縹碧鱗公事
無多雩事勝緋紅淡白太精神

勝事

舊來勝事復如何
桃柳參差掠燕過
醉雨海棠臨砌豔
驚雷犢角負牆多
小池漸上青萍水
密葉能藏百舌窠
更有兩株調忿在
白頭晨夕足摩娑

合歡二株其高三丈雋葉最勝
自嘲 山谷句云誰家生意無閑地大半歸來已白鬚
又云公私適負田園薄未至妨人作樂無乃知
公當日情事正不能脫然也故自嘲云爾

五品頭銜百里官
園蔬野蕈滿舊盤
久諳世事輕榮辱
不學浮屠信止觀
檐下燕雛朝雨健
閨中蠶繭夜絲寒
名山勝景不歸去
夙債問君何日完

舊法

快駕東君不可留
斜風細雨使人愁
燕鷺能語應餘恨
鸞艸何心且未休
新漲舟帆宜下水
綠陰郵郭悵登樓
白頭

老婦譚年少無限韶華鏡裏羞

紅粿

蜀中紅粿爲東南數省染工所重本艸云卽紅藍粿李斯諫逐客書云西蜀丹青是也蓬產尤鮮明冬月種之三月成粿椽而黃鬚無瓣凡四五摘喜夜雨朝晴碾製成薄片出其黃水旣盡然後紅江南江西及楚粵賈人以四五月雲集順慶蓬人歲獲十數萬金民間豐歉米麥棉粿外恃此博物志所云張鷟得種於西域者也今藏中猶有之

三月町畦到處紅
幾番摘碾費良工
越人綾錦紛霞豔
蜀客帆檣一水通
宜雨宜晴愁熨婦
得時得價喜郵翁
歲收豐歉知何限
舊麥秋禾祝望同

後漢書
卷之六
題壁

何事驅人晚不回
太倉雀鼠笑迢迢
背無三甲已分心
有一丹猶未灰壯
日囊錐曾脫穎短
轆老驥苦銜枚壁
閒夜響龍泉劍東
海騎鯨歸去來

櫻桃

一樹紺珠滿迎風
粒粒圓粲開穠李
後子熟碧桃前露
溼銜從鳥盤傾喜
入筵芳園嘉果眾
誰要此君先蜀都賦朱櫻曹熟蓋

諸果之熟莫先于此因悟古人薦廟之義

立夏前五日作

蓬州苦少舊雨種
不以時者八年于
茲矣今舊禱焉時
得微雨茲乃澍雨
數日民心大慰比
歲直隸山東西河
南陝甘江浙閒水
旱蟲雹紛紛告災
不

能無惕然也

青陽一夜換朱明
風雨縱橫滿郭城
農事及時田父喜
歲華變節客心驚
偏災畿輔愁仍重
轉漕東南室未盈
聖主頻頒恩赦詔
還聞籽種借舊畊

曉起獨步園中有作

鳴禽牕外夢初回
曳履園中眼倦開
粵樹萋萋半銷歇
頽垣寂寂獨徘徊
輕寒弄雨連宵晝
隊鴨衝池散藻苔
萬事欲拋尋物理
一官猶寄是樗材

答客

世事真如雪裏鴻
客譏賓戲苦相攻
功名幸未慚出處
仕宦何當論拙工
茂叔頻年方作宰
太邱晚歲謝徵公
由來此意人難識
卻笑栖栖似熱中

官舍

居名官舍本山邨茅屋人家半遶垣近嶺炊煙歸晚牧出
牆叢樹滯朝曦廚因積雨時時冷牕爲濃陰處處昏領取
龍眠圖畫意鳥啼零落卽鄉園

寒雨

朝雨霏霏壓斷煙披衣行遍冷侵肩都忘首夏逾三日猶
似餘萼著重棉深樹鶴巢藏葉穩小庭樞火向風然催畊
處處飛呼急白水綠蓑滿稻田

望晴

拍翅金烏去不回荒城幾日長莓苔雲陰接地眞成滯雨
意盤空總未開再遣神巫喧法鼓欲攜父老上舊臺麥收
半了紅粳減慚愧新秧曉夜栽

野老

野老舊寒卜歲收一官簿領對羈囚無端米價旋增減旬
日人情變喜憂小吏漫爲天下計蜀山僂擬十年畱神僊
富貴非吾事吮墨挑燈坐白頭

舊團扇畫

秋風獵獵已三年畫筆猶新物態妍一抹亭煙水雲外半
橫篷艣柳菰邊客心愁斷沙頭雁世事迷如夢裏天慘淡
經營無限意萬山溪處問啼鶉

送葆叔之涼州

葆叔族弟初見閩中繼晤京師復蜀蜀相依久之
見余不得意將之涼州鎮蕃覓官有詩畱別輒爲
四絕以送其行

君去涼州舊武威休屠古蹟尚依稀木蘭當日曾家此黑

水黃河幾破圍

今涼州漢武威郡也本休屠王地余嘗以木蘭詞考木蘭家在武威詳康輶紀行

塞北江南大帳開賀蘭山下盡龍媒男兒匹馬尋常事未

得封侯莫便回

蘭州古有塞北江南之名

嶺外神京路幾千蠶叢蜀道又三年閨中少婦娥痕淺忍

聽伊涼醉舞筵

愧無寶劍贈長行空對青衫淚欲傾此去有人還問訊萬

山溪坐老書生

午日偶然作

流景朝回夕已馳紛紛木槿亦奚為未嘗一日肯自放便

計萬年真是癡斗極雲煙翻狗馬郵船旌鼓鬥蛟螭語君

斧柄休嫌爛靜看仙人一局棋

韓公

韓公貶陽山遇赦當還京使家沮抑之復作江陵行江陵

名勝地依然在蠻荆腥臊畏蛇藥山雨號猩猩法曹本卑

官捶楚同髡黥天路既幽險誰問死與生同時有張掾歌

苦為酸聲公言此由命對酒歌月明公嘗五貶官道重身

益輕皇甫佻文輩姦讒實營營蛙蚓雖鼓舌何礙韶鈞鳴

感公更長歎無淚可復傾炎威方燁赫皜皜徒為情

苦熱行六月十五日作

炎官肆虐張其威跋烏拍翅騰空飛焦原爍石不稱意熬

波煮海龍獻欵元冥遠避蓐收伏世間何物能相違達官

貴人白羽揮猶聞流汗霑羅衣農夫賤卒欲暍死帝憐下

土迴龍旂橫空電馳飛霹靂黑雲四合風微微一時清涼

後漢書 卷之六
五
颯遍地如獲百斛明珠璣天垂慈愛活萬物雨澤雖小雷
云非水深火熱民感易區區不吝其庶幾

次日得雨

昨日苦熱爲長歌一夜不寐嚙煩疴鋪席坐地查蚤多月
憑日焰燒銀河逐人莫避光則那清晨蚤起頭長科今來
已分將無何相逢競說天公苛赤日當午不敢呵豐隆條
爾長空過雲師風伯旌旗摩一雨下注成滂沱暑氣收盡
曾不憊老夫喜笑亡其癢及時仁政回天和澤沛全境同
恩波沒生感戴遑求佗酣眠今夕其無訛

顏魯公

范陽鞞鼓揭天愁兄弟同仇氣不侔聞道上皇西內好問
君何事到蓬州

九日憶左亦齋

去年共醉慈雲閣一樹芙蓉正豔妝風日依然獨惆悵無
粵無酒過重陽

重陽後四日吏目王君鈞送佳菊數種

九日無粵復無客經時繫馬罷郊行忽來滿院繁秋色頗
似東籬送酒情鴛錦鶴翎求異種御袍金盞任題名衙官
屈宋吾何敢從此盤餐有落英

去歲芙蓉一本甚繁豔今來秋雨彌月竟不粵

去歲繁枝曾爛漫秋粵絕勝豔萼英如何苦雨多相妬卷
卻天孫無限情

十月已半芙蓉忽作三粵而瘦小掩映屋角

去年滿院鋪紅錦寂寞今秋黯自傷豪士佳人頭欲白強

橫寶劍點新妝

哭汪孟慈 孟慈守懷慶三年大旱禱雨太行山徒步二百里竟以憂勞卒官丁未八月也

丁卯同登鄉里賢京華幾度話寒瓊文章經術原家世倉廩河渠老髯髯論事每為千載計向人不惜萬言便如君已作廣陵散此意飄零誰與傳孟慈在官論事侃侃志存而不已

百年世事感滄桑死後公評未盡亡裴俠獨為名太守相如不必恨貲郎更無意氣傾河北定有英靈傍太行巴蜀空餘垂老淚西風月冷自淋浪孟慈在戶部久常以未得第一第而就貲郎為恨篋裏存書取次看千秋敦勉寸心丹檻車自分已萬死狴戶翻成效一官誰信子陽終井底盪從呂叟話邯鄲報章久作偏遲發地下相聞鼻更酸癸卯余就逮北上孟慈貽書以千秋相勉人蜀後復

數有來書嘗欲復之不果

毛生甫詩冊

生甫名嶽生寶山諸生少以詩名曾賓谷題襟館中客也其詩幽古峭峻非近今所有學尤沈博病元史疏繆嘗重編之藁未竟而卒余在江南遊處數年之臺灣乃未能從拏舟送至嚴州相與登釣臺賦詩別去逾年寫冊寄余君亡已六年矣此冊在笥中展閱之不勝愴然

賓館題襟蚤盛稱江東譚甄若為朋新詩險境尋常鑿舊史重編義例繩遼海幾曾棲管邴鈞臺空與拜嚴陵扁舟送我成終別收拾遺書恨未能余嘗欲刻其所著諸稿不果偶然作寄方植之

世閒何物能驅俗滿徑蓬蒿萬卷書一鶚已聞羣鷲鳥八
騶空復憶前車西風黃葉亂無限明月綠牕閒有餘爲問
嘉陵江上水故人蚤晚到雙魚

老妻壽日卻寄

富貴難忘貧賤交焦瘁况是出危巢金罍不恨人常別玉
柱生憐瑟舊膠紅日半庭書自曝黃芽幾味食添肴南園
西蜀懷兒女悵望鯁生一繫匏

清昌隨宦于蜀
一女從壻在園

示迴龍院僧

盤旋峻嶺重雲外竟日無人磬聲修竹千竿門檻淨經
年一病夢魂清身多未了嗟前事悟到無言悔此生迷悶
不須嫌簿領近山泉水尙空明

酌客

薄酒君當盡一卮百年身世苦難追闔棺未必傳言信憂
國何關在位卑壯士崎嶇常白髮重華峻遠託奇詞蜀山
虛死人無限半夜聞雞復自疑

荆棘

十年荆棘眾思鋤獵得狐狸路一疏盡說將軍新壁壘宵
知天道有乘除桑榆善計收非晚鄉校游評事豈虛應爲
困窮憐下邑魯人無更獻璠璵

舊日作

相如城裏柳條新雙燕初飛欲近人日暖琴臺悲士女風
迴劍閣惱羈臣買田無計歸陽羨前席何年間鬼神辜負
嘉陵江上水三年漁父不知津

元旦龍神祠作

玉環山下曉風清啼鳥先聞第一聲
麥隴菜畦渾不辨數家燈火是舊城

將至成都過興隆鎮旅舍主人乞詩有贈

樓船橫海一微塵旅舍何須問事因
且買玉壺三日醉共譚巴蜀四年
舊陌頭柳色新如許匣裏龍文舊
有神姓字愧畱詩漫與下風執版復
奚陳

競說生兒教讀書文高司馬意何如
古來隱市多賢者君幸先人有敝廬
紫陌紅塵舊攘攘雙柑斗酒步徐徐
世閒無限浮雲事試數門前過客車

胡恕堂觀察少夢前身爲僧後入一寺
見塑相與己無異恍若有悟使人圖之
席閒出示索題

賦物何勞問化工几茵雋落不因風
閣浮欲濟人閒世福

慧先觀宿命通午夜月明秋正滿
觀察諶夕太夫人先見月華驚而寤生

龕僧相夢猶同雲峯高處尋遺蹟
應在峩嶇太華中

海外相知已十年又隨絳節入西川
眾山俯仰欽孤直千里紛離折片言

盛世看公宜節鉞衰顏如我合林泉

學時已乞蜀中自古多圖畫觀政他時繼管賢李衛公帥蜀圖古名

病將歸蜀中者五人以志景仰後多倣之及末時觀政閣中所圖遂二十八人

將乞病歸寄伯符及里中諸君
局促駃駒一旦休歡顏強免幾年盪
舊書雖破猶盈篋舊水方生好放舟
豪氣未除還自笑寸心不死總多愁
親朋蚤備遊山屐輸卻歸來是白頭

江樓獨酌

倚檻魂銷百尺樓茫茫六合動
舊愁縱橫艸樹峯千疊寂

冥江天酒一甌京國文章風馬耳銅山富貴爛羊頭抽刀
欲斷東流水痛洗人間壯士羞

既得罷官至成都候咨文回籍索逋人叟咻不已命
濬昌盡粥官時服物償之

貂裘典盡不須還更賣朝衣莫動顏 盛世衰年羞黼

黻故鄉歸路有雲山風連未了仍貽汝古籍猶多好閉關
手板拋除無檢束酒樽親近學癡頑余有貂裘已典之二
年未能贖也昨並典
券付債
家矣

謝胡觀察贈舟資

蚤歲嘗爲任俠行中年猶覺萬金輕孤寒欲下千人淚悍
將真尋共死盟達厚庵爲臺鎮人皆畏其驕悍余初至亦
見細齋二年一以誠待之一旦詰謝請盟
曰武人不學爲君姑容久矣媿悔無及自後臺事惟君是
聽死生禍福願與共之是年六月夷舟犯臺凡五至皆以

有備而安白首天涯時事改青衫夜半旅魂驚歸舟得遂乘青
水始見巖公贈杜情

別陳息凡

陳遵好客復多文詩思濃於嶺上雲百里政閒能訪古千
金價重爲超羣錦江舊暮愁離別幕府知新待沐薰不用
臨歧歌折柳夢魂遙夜尙尋君

相繼鑪闕出使車新詩慷慨獨懷余沈憂且置生前事當
世先鈔死後書息凡先鈔余康輜總行後見有增
改復校補之蓬人爭鈔不可得矣邊塞月
明猶鼓角湖山夢好自樵漁海南人竟歸陽羨祖道無須

說二疏

張椒雲廉訪枉臨話別

東風吹遍柳絲絲白髮傷春又別離敢恨西來遲絳節來

未三月自慙東去負

清時雲開蜀道千峯靜石滿夔

而余去江八陣奇欲下瞿塘重回首高牙遙見颭旌旗

十年江上苦風腥水底魚龍舞未停一夕清霜天地肅萬

家擊缶黍苗醒赭衣行處生無恨白叟懽餘涕更零共訝

騶珂喧曲巷故人臨送眼偏青

戊申三月東歸適玉環書院新成蓬州人士請畱住

十日楊式如學博吳淮樓孝廉伍謹齋秀才首唱諸

君各有詩見送輒成六絕奉酬

莫向舊風唱柳枝舊風三日苦將離嘉陵水遠無窮恨暮

雨流鷺是別時

二蓬東挹雲中秀五馬西來江上青十日玉環書院住鳳

凰相對展長屏玉環書院盡攬一州之勝大小蓬五馬鳳凰皆山也

四圍疊翠侵書席幾樹名鸞照酒杯底事杜鵑催客去不

教長住此蓬萊州麻之景如此

何人到處說逢迎兩載相看別有情我是謫僊非傲吏休

將法曲誤鳴箏

未能惠濟熒燄遍豈有倉箱百室盈翻使青錢送劉寵更

憐垂老祝長生蓬人醜錢相餽曰請備舟資為位仁廉祠祝之日願公長生福我

四十年前陋巷儒東隅歷遍到桑榆拂衣歸去休言晚猶

勝秋風始憶鱸

壘山先生號鐘琴拓本為沈鶴樵孝廉題

燕市一歌浩氣千古西臺一哭天人酸楚是維號鐘既失

其主胡不長埋而輕出土我為爾歌誰為爾謔

哭斌少司寇

公名斌良滿洲正紅旗人廕生善詩有氣節聞海內知名士皆傾心禮之嘉慶中已著聲稱然仕不得意執政諸公或弗善也京師秋菊盛開無以饗客乃典貂裘爲之其好士如此道光二十二年公弟閩督怡公渡海逮鎮道公在盛京貽之書曰事關千秋公論苟欠斟酌何以入先塋乎二十七年英夷求西藏通市大臣旣奏許之矣公以刑部侍郎爲駐藏大臣備之 陛辭日頗有所陳

上命與川督籌焉公憂之密奏以瑩爲前藏糧台命未下已憂憤薨瑩亦乞病罷歸最後藏中咨抄公奏有云四川蓬州知州姚瑩前爲臺灣道夙裕韜鈴循聲卓著與其令之坐領一州無所展布莫若量移邊要亦可遂其及時報効之忱然瑩於公固不相識也舟中追思往事爲詩哭之

都護西行日空陳

北闕辭金貂曾換酒禿髮竟與尸已凜千秋論終慙一薦知與君生不識同恨是和夷

遣僕

奴子戴崑從余於臺灣親見余數平南北路之亂及英夷犯臺籌防十七海口揜斬黑白諸夷事後被逮復從北上入刑部獄返桐城入蜀奉使乍雅至察木多險阻患難無貳心在蓬州休息未二年而余乞病歸不能參養之矣乃託之於胡觀察將行出箠乞書余不能書崑所知也崑曰冀異時見

手蹟如見顏色耳感其意書而予之崑無便捷材
而忠謹可取爲詩遣之

仕宦誰最權家人及奴婢豈惟飽煖求亦有輕肥喜爾崑
亦胡爲相從乃異是家本滄海東生無便捷技從余困鞍
馬親見軍中事南北討亂民防夷築烽壘海氛幾年靖幸
未亡一矢扶病治軍書中夜輒數起兇夷旣受縛齧齧若
羊豕海外全境完大吏或怒視時事局已成孤臣志則已
喘息曾未蘇輦帶遂三禡檻車實顛沛囚服敢言恥獄成
幸免戍入蜀夏奉使冰山與雪窖負痛入骨髓已覺脛無
毛數見呼庚癸惟爾實相從艱難僅不死前後幾十年辛
勤未一弛旦夕遭呵罵或未免鞭箠面無色怨嗟背亦無
訾毀貴賤常異交安危不同理翟公門上書今古慨同軌

惟爾以拙誠一意相終始我髮已全白爾歲未三紀蓬州
始安居酬賞尙有俟病罷我則歸參養今已矣負爾非一
端患難徒相倚爾望本不奢聊以勸義士相知有胡公清
峻善臧否許爾入廡下安寘及妻子勉事新主人貞勤當
自矢長言述爾事歲月易流駛百年會有盡臣僕咸視此
胡恕堂觀察過蓬州是日蓬人爲余立位仁廉祠士
庶喧闐走送觀察嗟歎久之曰君可謂大用之而大
效小用之而小效矣感其言有作賦呈爲別

小山新賦近如何浮渡龍眠入夢多躍馬未能清海甸割
雞溪愧問絃歌半帆落日長江水一徑寒煙野父蓑別後
相思何處寫菱荷香裏獨顏酡

四月二十一日至夔州入峽偕方召青濬昌觀峽中

奇勝東南風阻舟行頗緩中流迴轉者再知神意之
畱人也為詩謝之

巫山雲氣曉猶濃欲問神歸第幾峯溪謝靈風轉舟楫畱
人細看碧巖從

哭伯山

江南薊北舊狂生粵海黔山滿政聲挾卷王侯輕睥睨擁
姬詩酒漫縱橫百年尚覺餘奇氣一郡何堪老俊英地下
相從有樊素曉風夜月定攜行伯山未第時嘗應試天文
生定親王臨試伯山挾卷
哭至其前王叱曰爾何人伯山掀髯睨之笑曰江南姚東
之也王曰狂生耳入之後仕廣東揭陽令理籍同知貴州
大定府知府皆有聲不合于上以病歸姬妾數人詩
酒自娛卒于金陵姬某殉之所著詩文皆有奇氣
歸州遇沈秋浦夜話沈名耀鎮江
人湖北運判
腐儒已白九分頭那更相逢說上流暮雨迴辭巫峽夢朝

寒還似洞庭秋共言經國須財用誰料安邊失箸籌問道

江南罷機杼爭從西賈市洋綢秋浦言英夷近在鎮江以
賤值售其洋中縐布人爭
買之多
罷織者

出黃牛峽將至宜昌

雲氣滂滂滿四山輕橈倏轉百重灣行窮三峽奇難盡猶
作峯岒香靄閒

方植之寒巖獨往圖

身形久已如枯木何事寒巖往更深萬水千山蹤跡盡微
聞一杖響空林

豐干饒舌不須訶拾得寒山事亦多法相原來無一物卻
教廣座設維摩

五月二十六日曉晴舟入樅陽口

後湘續集卷之六
錦城迴首遠微茫帝許乘雲攬大荒巨浪奇峯都歷盡緩
風輕舫入縱陽

後湘續集卷之六 終

後湘續集卷之七

桐城姚 瑩展和甫

馬小眉又白召同植之元伯聿原遊玉屏山莊翼日
聿原存之兄弟召同植之元伯魯岑遊邃園未逾月
聿原又有石莊觀荷之約將辭之元伯手書來云石
莊本避暑之地荷淨又納涼之時其勿辭也以詩柬
元伯及諸君

本是崎嶇患難人得歸非爲乞閒身四方蹙蹙吾何騁每
到清遊一愴神

人言山水可忘憂况對當筵嵇呂儁敢爲清譚忘世事幾
回舉白復低頭

相期荷淨納涼時八九親朋盡白髭屈指坐中誰最少高

歌莫作洞僊辭

嘉慶乙丑元伯使人圖其象爲小冊同好諸君題詠
甚眾越三十九年道光癸卯余覽過里中許爲作詩
旋去蜀未果今又五載始歸元伯作圖時年二十九
今則七十二翁矣詩來索題計君嘗東之靺鞨余亦
西至喀木何意白首歸來猶得相從遊詠欣成一律
奉教

跡去飛鴻不可求時來晚景尙堪收與君各到東西極問
貌休嚙黑白頭把酒清譚還入夜尋山好句總宜秋牙籤
萬軸誰誇富應共孫曾細校讎

閒居一首呈光律原

漫言潘子賦閒居羣勝騷人得返初老圃新從辨艸木後
生時過問詩書溪聲帶月僧房聽菊影經霜客座疏文字
欲拋渾未許由來結習底難除

慈雲庵僧玉華余十數年前屢見之今來復問已久
寂矣

幽棲不假靈泉寺道院還鄰古太霞塙影雙塘橫夜月鳥
鳴深澗落秋粵尋聲啣哭休燃火折腳鐺存細煮茶往日
山僧無覓處卻教丁令獨歸家

戊申冬至日植翁作詠懷詩見示積陰連日詩到放
晴乃和其韻兼呈元伯律原

元雲積處見昭陽底事重陰閉艸堂歲月無痕溪杳杳日
星移次遠茫茫如君潦倒貧非病自古英賢弱勝強世運
乘除吾已了幾回噩夢角還張

植翁再以詠懷詩見示依韻答之

世事何須問吉凶渭清涇濁理難同不從上智參三昧久已凡情失五通尺蠖自藏非穴鼠螳螂得意亦騰龍與君各飽黃虀味不負人閒兩禿翁

歸家攜存蜀酒未盡植翁以小瓶來索既許之復繫

以詩

不是宣城酸尤慙公謹醪相如醴上物一飲也稱豪

歸來

六十人如瓦上霜飄蕭猶自喜朝陽親朋處處聞歌哭僕婦時時問稻梁滿眼流離徒內警時方賑飢等身圖史望重商五夏依舊難成夢不信歸來是故鄉

青鞋布屨欲尋山行去茫茫日未閒鄰里寡懽知侶少市

朝同病瘖時艱書成稿本經三易事去心情類九還從古英雄妨末路酒樽茶竈一開顏

伯兄多病再經秋藥裏鑪煙尙未收域外喜余全室返閩南有子十年留蜂房幾曲憐辛苦蟻穴難封歎謬悠居近往來朝夕便天時人事復何尤時謀客遊遲遲其行

張耐翁楚江歸權圖

生綃一幅楚天秋月滿江城笛滿樓陡起歸人無限思憶從三峽下扁舟

己酉人日元伯以贈聿原召飲詩見示輒和兼呈植翁元伯聿原時各有舊酒之約

九萬里鵬經蚤化三千年鶴亦同歸問君遼海滄波淺何似天山雪艸肥紈袴漫馳金埒馬襴褸曾著鐵戎衣從容

歲讌尋常事

盛世衰顏莫漸稀

正月十日方兆青召同植翁元伯凡士小石北園觀
梅憶余乙酉入都竹吾與金鶴臬大令及周伯恬諸
君觴餞者三十二人一時極讌飲之盛今罕存者竹
吾沒亦十四年矣植翁元伯各有詩追念竹吾愴成
一律即贈兆青

埋玉摧琴十四年鳴騶解組亦雲煙蒼松偃蹇龍仍臥
竹叢深鷺未遷別處楊情能濟美爭名次道果稱賢步清與
竹吾異處竹吾器之語人曰吾
短異時教授生徒名當逾我朱梅數點還相笑又見清
狂入醉筵

元伯聿原連日有詩見調未荅適余小疾臥植翁召
飲不能赴兩君來候戲呈因柬植翁

化金不作王陽術經營復謝陶朱奇幾年服鹽太行驥一
日曳尾泥中龜舊寒中人聊偃臥有酒不赴空涎垂新歲
從君乞如願老大久任巢由嗤

郭外三里許有田數畝曰小齊莊頗有隙地竹樹二
十年前愛之嘗有小築之意今自蜀中歸以償債家
為詩送之

半曲山溪十畝田數家鷄犬一林煙謝公別墅虛前志陶
令歸家有債錢應許玉壺尋北郭猶能步襪度南阡題詩
遣送無多恨楊柳初青絮未棉

正月十九日植翁元伯耐園硯峯聿原小眉存之小
集中復堂席罷元伯有詩步其原韻屬諸君同作
馬君詩才捷無敵有如疾風吹我襟儷古駢今善屬對熊

蟠鷄韓甯賞音舊酒滿壺諸老健雄譚長城短語侵平生
未敢忘久敬白首相看束髮心

韋原有詩見答夏爲長句激之

一觴一壺不爲薄鷄豚何必勝藜藿童時嬉戲到白頭肯
使青山歎寥索梅橫月夜歸北園楓老霜秋出西郭舊信
朝來滿庭院嬌碎枝頭懼鳥雀紛紛談笑各舌存不用節
藜有腰腳新詩健句門逾工五丁三巴道任鑿故將幽險
驚鬼神天公鞭顏開橐籥語君休誇才力雄五行災沴方
頻作豫陝前年早已多東南大水今方落 內府金錢
貶豈羸 廟堂撫卹深憂灼况無冬雪殺螟螣蒼生那
免填溝壑君言盈虛有至理堯水湯旱非爲虐上下憂勤
德動天咎休反掌何嗟愕人生擊壤逢 盛世舉杯沈

吟還共酌

感遇

黃雀猶銜恩匹夫知赴義如何君子徒而負平生志雖無
富貴心甯昧出處事管我筮仕初誓不爲俗媼勉塗泥
中長官憑怒詈盤根與錯節聊以試吾治或謂鄭僑賢或
觸絳灌忌摧沮亦已勞天佑无不利謬被吳公薦超遷遽
及誼良無大受能竊有小知愧 盛代重詞臣胡乃起
外吏再蒙 天語愜感激紛涕淚丞牧作監司重以海
外寄氛祲欲全銷澄清遂攬轡恨未雪讎恥幸免辱國戾
捷書慰 深宮直言違大帥彈章當萬死疏救亦相繼
卿相咸咨嗟 帝謂臣無罪出之縲縵中復使爲郡貳
五月上瞿塘孺婦魂猶悸徒手謁使相又見貴人恚降黜

何足言再奉殊方使侏儒冰雪中往反閱三歲圖經舊有
聞何如足親至仕優當夏學書成亦盈筭生既遭 聖
明不使禦魑魅况有三公賢頗致殷勤意不拜私室恩豈
作然灰覲束髮希往哲一奮青雲翅浮沈四十載十事九
不遂白首遲歸來舊業庶無墜倫理憾常多三樂奚言易
永念 九重恩漏盡不成寐

三月二日入龍眠

修竹緋桃十里陰拖煙和兩人園林籃輿未問龍眠事
粵色山光兩不禁

孔城晚歸口號

幾幅龍眠畫不同天教蒼色付山翁黃筍白水青松外
斷壘橫煙落照中酒意昂藏成病鶴詩情閒淡倚枯桐海南

賸有朝雲在未肯荒亭電露空

出遊

宦遊三十年通負常未已自夸筋力健飢渴以爲恥甯知
衰暮歸不得臥田里入門未滿歲呼索復盈耳諸公意深
厚相謀生活理虛名擁皋比而不課文士依然太倉雀竊
粟從比比歎息徒強顏見人額有泚金陵古名都相望一
江水何意鉅公知三召書盈紙先言廿年思後復憂天紀
意氣爲我傾掃榻如倒屣自慙老無用不復識臧否感念
此殷勤徘徊行且止暫借揚州帆一問鍾山址
龍眠有佳色况復當暮暮沿溪多園林興至堪緩步壺觴
三五人鬥句寫心素室人憐齒豁供饌常四顧爛熟雞鳧
豚羅雜菘瓜瓠雖非五穀德重味實所怒戒言不肯聽飽

食詎忍吐朝聞有遠行檢點巾箱布舊衣親補綴燈炮縫
未住回憶少壯時情深宛如故語君有歸期秋菊零寒露
己酉三月赴李石梧制軍之召至白下時李公已抱
疾陳情有詩見贈屬和輒成五言三律應教余亦將
之揚州矣

舊水兼天潑愁心萬斛盈一帆煙雨重又到石頭城鼓角
軍門靜沙洲戰艦橫相逢諸父老災後喜時平
出處同憂國安危必致身自揮王氏塵不污庾家塵日暖
粵仍豔燈紅酒夏純始知苟令坐猶有倚閭親
不灑千秋淚誰銜百歲哀如公持節蚤共倚濟時才雅抱
傾三夕沈憂極九垓白頭慙作客離聚總徘徊

僑寓白門僧舍顧湘舟自蘇州以其賜硯堂所藏金

石圖譜來示且云家貯書十萬卷未入四庫目錄

者二千可謂富矣詢知潘芸閣河帥刻乾坤正氣集

將成欣然有作

白門僧舍雨陰陰萬卷書樓不可尋正氣欲同金石永相
逢惟有歲寒心

顧湘舟五十歲江淮閒名流女史壽以詩畫者甚眾

湘舟裝潢成冊來索余詩

我從六十髭全白五十君方黑兩髭萬卷圖書觀幾遍千
年桃藕覓多時朱門歷歷殊今昔綠螳沈沈滿甕后莫向
僊人求異術長留面目自稱奇

程仲蘇太守家題以其尊人鶴樵侍郎藥洲拜石及

石緣圖請題余不見仲蘇三十六年矣藥洲九石八

在粵東學使署一在藩署侍郎以嘉慶庚午視學粵東道光辛巳以粵藩攝學使九石前後得全見之故
作二圖俯仰今咎愴然有作

咎我未壯子未冠說文譚經常夜半藥洲殘石在園林每
為降王笑南漢是時乍喜海氛靖海雲昏黃竊愁歎市舶
咎惡紅毛驕珠貨猶盈大府幔覆雨翻雲變太多百厄倒
漏金無算別去今幾四十年相逢共破石城煙石頭城下
清江月曾照蕃酋醉舞筵我頭子髭兩皆白欲譚往事心
煩煎秦淮罷捲盧仝箔香港新停大食船上海夷界大書
刻九僊夷館青雲連尙聞九片玲瓏石不許紅毛鋪錦席
百拜無愧米顛書石上藥洲字或云米顛題兩處長存使君宅朱旌絳
節憶僊緣摩挲圖畫畱清澤題句何入三歎息寥落江山

一遊客

五月十三日避水四松庵贈謙谷長老即題其南湖

放參圖

龍眠有狂人喜譚大九州東逾毘耶海西飲雪山溝遐追
印度域欲問金僊遊頗恨邈些僧法輪轉未休 聖代
綏荒服設教古不侔侏儻二萬里五體輸誠投我心本清
淨難忘西湖舟西湖勝刹多理安為其尤法師幾年住一
見隔數秋似聞法席勝瓶鉢安潛蚪退院游金山再過如
浮鷗安化老尙書謂師能清修吟詩有佳句酬唱多名流
博山好新築錫杖堪淹畱僧亦感公意星紀忽一周我從
西蜀來已近峨眉邱未得金剛定難免塵俗謀偽應制使
召復至石城陬相逢多夙契訪舊亦尋幽曠遠恣清曠窮

高陟危樓不須出世法已足消煩憂煩憂胡復深水患民
 未瘳白波極浩蕩何處尋田疇况此水中屋千家風颭颭
 金錢賑已盡府庫安從求與師得高阜幸免形如鳩飽食
 而安居徒懷飢溺盞梯山更航海語師其無搜我已遠遊
 遍芒鞋行欲收茲山即南礪山鳥還啁啾謙谷本號讓舟
 周保緒為作梯
 山航海園包慎伯
 魏默溪皆有詩

管小異言癸卯五月在濟甯汪孟慈聞余被逮大慟
 嘔血而余未知孟慈嘗言以朋友為性命不其信哉
 君沒今三年矣小異異之子也孟慈是其婦翁言當
 不妄嗟呼交道之薄久矣如孟慈亨甫其猶古人之
 風哉

交道古所重金石良不渝豈惟意氣合道在德不孤公義

苟相取好尚甯嫌殊斯人有經術常鄙輕薄儒誓濟天下
 重慷慨陳嘉謨不愒君門遠周道同馳驅時會邁屯
 否輜輳非一途摧心更長慟襟血已霑濡詘信何足道敗
 績嗟皇輿長夜爾悠悠愧我徒崎嶇剖方夙所恥橫
 稜恨不觚完此貞白璧何問瑕與瑜

八月二十日偕管小異訪湯雨生病愈雷飲
 清秋天氣破煙霏緩步尋人一徑微到處林泉堪送老半
 生嶺海竟全歸蒼茫朝市餘簪井慘澹風雲付艸衣白髮
 樽前譚往事由來百是已千非

不見黃樹齋十四年矣宦轍不同而同見論己酉十
 月君以入都過白下梅伯言亦歸自京師樹齋約登
 鍾山陰寒不果為五言一章

後湘集 卷之七
日日望鍾山未探靈巖址已挂神武冠宵復戀城市蹉跎
性成懶有爲時復止故人何方來相見一悲喜管爲股肱
臣中忽罷金紫浩蕩八九年徧覽奇山水盈囊有佳句往
往陰鮑儻八門笑且投謂我當何似儕舊漸欲盡浩氣尚
存耳念我長崎嶇面目殊不死語淡不覺夜有酒亦清旨
方今 天子聖燭照破淫詭會當起李綱一洗邦國恥
行矣君自愛世事待整理我精已銷亡不足任驅使貪擁
一臬比辜負經天晷農賈雨不能飽食常慮侈浮雲翳有
盡幸免污青史所恨老爲客不得臥鄉里梅福都中來亦
已懸車軌少同慷慨言白首不相鄙兩君多雄文實事必
有紀生能爲我歌死當爲我誄

移寓博山園與謙谷長老共數晨夕久之題其詩集

松竹溪修嶺壑旋石頭城下水如天半年穩住餘霞閣從
此名山有靜緣 我生山水無靜緣余庚午年句也

水中明月夜來遲雪裏梅萼又幾枝已是騎驢不須覓打
包行腳枉多時

湖雲江樹苦耽吟豈是詞人結習溪三宿桑陰忘不得竹
籐杖裏去來今

雷約軒 葆廉 秀才白馬欄訪僧圖

石磴穿雲杖一枝莫從蓮社覓題詩憑君欲共三生話又
是空山落葉時

陳若木參軍爲裕靖節幕賓靖節督師海上殉難以
所用硯贈陳使去蕭枚生爲之刻銘若木拓本裝小
冊屬題

英靈千載憊辛勤午夜誰回艸檄文玉帶相文丞飄流風字
愍熊襄硯在令人長憶謝參軍

贈梅伯言

故人京師來廿載車塵洗文成道以遠何必太倉米先廬
徑未荒頽垣籬可抵枯荷滿園池遠崖接階薺日夕對鍾
山不見山扉啟時有龐公來不作賓主禮

博山園微雪

昨夜微風雪都忘石壁寒飢鴉曉無數隱背滿林端遠水
兼天積愁雲匝野漫山僧相過問頭白歲方殘

酬湯雨生

江東名將出儒生腹內貔貅百萬兵自倚琴書身退隱時
聞詩畫筆縱橫休言半笏容多病且幸餘年及太平災歲

幾番蘇老弱都忘僑寓甌塵盈

會稽潘少白自如臯來訪年七十五矣以哭姚鏡塘

學峽失明愴然有贈

何事於陵子栖栖道路中箸書橫一代哭友失雙瞳朝貴
驚奇節名賢想素風白頭兩遊客相對此心同

後湘續集卷之七終

